

+H

corpus: ReF.MLU

language-area: oberrheinisch

language-region: westoberdeutsch

language-type: oberdeutsch

genre: T

medium: Druck

time: 16,2

reference: Seite, Zeile

corpus-sigle: F078, V-Ba-T3,D

text: Donaueschinger Passionsspiel

text-author: -

text-type: EB erbauliche Literatur (geistl. Spiel)

assignment_quality: -

hoffmann_wetter_nr: -

library: Karlsruhe, Landesbibliothek

library-shelfmark: Cod. Donauesching 137

date: Anfang 16. Jh. (Heinzer S. 122); 2. Jahrzehnt des 16. Jh. (Mackert)

place: Entstehungsort wahrscheinlich Raum Villingen

text-place: -

printer: -

edition: Mone, Franz Joseph. Schauspiele des Mittelalters: aus Handschriften herausgegeben und erklärt. Karlsruhe. 1846.

size: -

language: fnhd

literature: -

notes-transcription: - kleines i oft schwer von großem zu unterscheiden; im Zweifelsfall hier groß geschrieben; - Ähnliches gilt für D; hiervon mindestens drei verschiedene Varianten vorhanden; → D daher in meisten Fällen als klein transkribiert; - Unterscheidung: o mit Strichen darüber als ö transkribiert; Doppelpunkt darüber als o: transkribiert; - Rund-s oft auffallend groß, auch wenn es offensichtlich nicht groß geschrieben sein kann; dennoch häufig als großes s übernommen, da deutlich in Oberlänge hineingehend; - Jesus-Kürzung: Ihm%10, stets mit charakteristischem Querstrich in Oberlänge; - angefügte Notiz mit Verweiszeichen in Form eines Kreuzes bei 37r,19; wurde als separate Spalte mit 37ra transkribiert. Es handelt sich hierbei um ein gereimtes Vaterunser von anderer Hand; - mehrere Male kommen Notenzeilen mit Neumen vor. Diese gehen über jeweils 5 Zeilen und sind meist begleitet von lateinischem Text; - Seitenzahlen und Verszahlen der Edition angegeben; Verse in 10er Schritten

abbr_ddd: DonPass

extent: FnhdC: -; compl: 001r,01 - 048v,06

extent-size: FnhdC: -; compl: -

@H

F078-001r,01 Hienach volget das register der lidens Jhesu cristi vnsers behalters zuo Spruchen gesetzt in mass das man das der welt zuo guot vnd andacht woll spillen mag vnd sind dis nach benampten die husser vnd hof so man darzuo haben muoß Der gart marie magdalene Symons huß Die appenteck Der berg da der tueffel got versucht Der tempel Die juden schuod Die stat naym Die cristenen huß Der zwolffbotten huß Cayphas huß herodes huß Cinnas huß pilatus huß Der Brunn oder cristen lausarus grab Der olberg Die hell Das himelrich Vnd ein gemeine burge darin man kronet geislet das nachtmal vnd ander ding vol bringt den stodt dar die gefangener lieg en druy crutz die sul vnnd anders c ainen essell Jtem vnd wen das ob gesch

F078-001r,02 rieben alles nach sinem wassen zue gericht ist vnnd yederman nach sinem stat cleude als dan zehndrest Im register Stat vnd man an den platz kompt vnd man das volck geheit sitzen vnd schwigen So fahent Die engel an mit luter stim singen dis nach geschribenn Silete silete silenzun habete Vnd nach dissem gesang so facht die Juden schuoll Ir gesang an ze singen Samahu formatur c Vnd wenn das vss kompt so gat des pilameters knecht herfur In mittel platzes vnd Spricht mit luter stim Jr heren venement hie in der frist was mines here mainung ist der selb gebuet zuo aller stund mir ze tund uch allen kund Das ir schwigent durch gottes er So werdent ir horen an siner le Wie er uch allen wirt verkunden damit ir uch dest bas vorstunden wissent ze hutten fru vnd spatt darvm so schwiget dz ist min rat losennt Im das ist min bitt bruchent wishait vernunfft vnd sit wan er wirt nit lenger midenn Sunder uch verkunden das lidenn Jhesu crist vnsers herenn den wir taglich sollen eren vmb sin grosse nott vnd sterbenn als ir das alles sachenn werden darvmb so stand en wenig still vnd losen zuo Im das ist min will Vnd nach dissem spruch so gand die zwen hornblasser herfur vnd blassent zuo dritten mal den Statt der proclamator vff vnd gat en miten in blacz mit hof

F078-001r,03 licher berg vnnd spricht Almechtiger gott heere yhu{10} xpst{10} der ye vnd ye gewessen bist himel vnd erde beschaffen hast Der firmament gegeben glast verlich vns wishait krafft vnd stur schick vns des hailigen gaistes fur enzund In vns diner liebe flamen Die des begeren sprechent amen Ir aller liebsten kind In gott frowen vnd man von disser rat Rich vnd arem lung vnnd altt Ir sigent von adel oder gewalt jeglicher genant In sinem stat gott vnd allen geben hat Die zehen gebot darnach ze leben Den sinen ouch ewig frod ze geben Die sinen willen hie vff erden tund Jhesus crist marie sunn Durch denn wir hut gesamlet sind Darvmb so losent liebe kind Ir werdent ir sehen In menschlicher natur gar wenig schon andachtig figur Die vns armen sunder ze guott geschechen sind vom höchsten guot Darvmb das er vns selig macht wie wol das von vns wirt veracht Denancht will er sich statz erbarmen vber vns sunder vnd vil armen wen wir vns selbs ze hilff such komen Als ir das dick hie hand vernomen wend wir Im alle gemeinlich besitzen gotz das ewig rich So mussend wir vil der sunde miden vnd betrachten sin biter sterbe vn lid{2} Das er fur vns geliten hat Durch der valschen Iuden rat wie das begriffet vnser globen Das werdent Ir alles schowen In figuren vnd ernstlichre geschicht wie er so gantzlich ward vernicht von den Iuden mit grosser not vnd wie er leid den bitteren tod Fur vns vnd gantzlich ward gsinecht Das er vns armen zuo gnaden brecht Darvmb so bit ich mit wiser ler Das ir allein durch gottes er Schwinged vnd betrachtent sin biter sterben Dadurch wir müssen behalt werd{2} So werdent ir fachen in kurtzer frist wie er durch Argen rat vnd list ven durch die zeichen vnd gotlich ding Die er am armen luten begieng gefangen vnd verkoufft ist worden vnd wie er dar vm ist gestorben Als ir dick by iuwern tagenn globlich hand horen sagenn vnd das noch horent zuo aller frist hie mit es an gefangen ist Vff disen spruch facht die Iuden schuel aber an ze singen pater noster bigenbitz c Vnd nach dem selben stat maria magdalena vff vnd vnd mit frolicher berg spricht si zuo irem knecht Joseppol dissen spruch Josepe gang das ist min begir heisse yesse an gends komen zuo mir vnd sine gesellen well er will So trib ich mit Imen der froden spil Im schach vnd wie wir komend an wan ich muoß frod vnd kutzwil han die will ich leb vff diser erden mag mir mit gnuog der froden werd{2} mit seiten spil tantzen vnd singe will ich min zit vnd tag vol bringen biß das ich mitt z me frod mag han den kum ich wol darvon ze lan Josepus buckt sich vnd gat von Ir an pilatus hoff zuo yrsse vnd sinen gesellen vnd Spricht Vesse vernamend min red bhend min frow hat mich nach uch gesendt Das Ir nit lenger hie blieben Ir mussent kurtz will mit ir triben nament mit uch verwer gesellen wie will Ir dere haben wellen Darmit sue hab ein gutten muott Sie hat gelann von Ir das bluot Zuo uch hat sy ein grossen lust ir hand Ir dick groß leid vertust Yesse frolichen Spricht zuo sinen dryen gesellen wollust ir gesellen wir wollen gan Ich dar eß nit vnder wegen lan maria magdalena hat mich gelad{2} Da wend wir ein guot convivium haben gester was ich such by dir malchuß nim din luttten mit dir wan sy hort vast gern saitten spill muot will vnd frod hat sy vill her gott bis gelopt der frolichen stund Das mir Ir liebe sol werden kund Sy ist min hochster schatz vff erd{2} kein liebry mag mir niemer werd{2} Nu gand sy all vier mit ein ander vnd ist yesse frolich vnd vnder wegen facht mosser an vnd Spricht yesse du bist ein frolicher knecht luog vnd tuo den sachen recht magdalena hat dich nit allein Sy satzat werlich vnd allgemein Jn dissem komen sy zu marian magdalenen mit reuerentz vnd buttet sy yesse die hand vnd Spricht Jesse gott geb dir gluck vnd heil niri Ist din stoltzer lib nit veil Sitz nider wir wellen spilen wo schach Du matte tist mich gester mit den rach Dasselb verdroß so vbel mich Darvm so will ich hut an dich vnd dirs mit sollichem such vergelt Doch witter such nit darvom schelt Doch muos tu van ersten hoffrecht machen vff dinen gicle so wird ich lachen Im fachtent sy an mit dem seitten spil ze hoffieren dem nach sitzt yesse nyder vnd zucht mit Ir Im schach vnd die will sy Spillenn So facht Simon pharises an vnd godt zuo dem saluator vnd Spricht Gaby lieber meister vnd her Er zog mir hie ein grosse er mit begirden ich dich frunlich bit Das du mich verschmechest nit vnd kumist In min huß vnd sal Dime Iunger auch ze neme das mal wann ich darvff geristet hann Dich werdent bephowen frowe vnd man Der saluatir antwurt Simon vnd Spricht Simon du solt diner bit geweret sin von mir vnd auch der Iungern min ich will dir das nit schlachen ab Ein wollgefallen ich daran hab Simon gat wider heim ze be

F078-001r,04 reitten den tisch vnd Spricht zuo sinem knecht matur salem vnnd git Im damit gelt Matusalem beit nit lange will louff hin vff mit schneller yll bring vns brott vnd bratten visch luog das bereittet werd der tisch wann Ihesus kumpt nach miner bgir ze namen das nachtmal hie mit mir Darvmb sol tu nach spisse keren Das Im geschech nach allen eren Nu gat matusalem vnd reicht an ein geordneten end brott vnd visch vnd am wider vm her gan gat er er fur maria magdalena So sy Inn ersicht So rufft sy Im vnd spricht Matusalem kum In her vnd trinck mit mir wan ich han etwas ze reden mit dir ich muss dich allerley hie fragen wil tu mir anders die warheit sagen wa will din her spaaren hin Das sag mir lieber Iungling min het er gest die frolich sind das sag mir hie vnd bis geschwind So will ich auch nit lenger belieben Sunder kurtz wil mit In tribenn Darvff antwurt matusalem vnd spricht frow die warhait die ich verkund der man der aller menschen sund hin nimpt vnd spricht er sye gött wil mit Im essen allen spott der selb ist nit fur uch ein man wan er mit schimpfflichs triben kan darvm ich uch In auwen raten wil Ir tribent hie der froden spill vch facht den In finders ann das ir gern sehend den selben man ob ir auch guttes von Im lerten vnd ich von verweren sunden kert{3} Mit dissem gat matusalem en weg vnd stost magdalena das spill von Ir vnd sitzt also er

F078-001r,05 schrockenlich stil also o sy ir forcht vnd stat aber simon vff vnd gat zuo dem saluator vnd spricht Heer das mall ist gantz bereit Kum nim das von mir an leit wann dir zuo eren ist es geschehen das darff ich vff min truwe Iehe Im stat der saluator vff mit synen Iungern vnd mit simon vnd setzt sich zuo tisch vnd koment zuo dissem mall all pharisei vnd so sy also sitzent stost maria mag

F078-001r,06 dalena dz spill frauenlich von ir vnd wust vff vnd spricht Kund dannen alle frod vnd spill die welt mir gantz erleuren wil gand hin In Iungling bald von mir nach dem propheten stat nim begir das darff ich reden by

miner trum In mir ist ietz ein grosser rum mag er den menschen ir sind vergeben so wil ich nit lenger der welteleben vnd suchen den brunnen aller gnad ob ich kem vff den rechten pfad vnd miner kranckhait nicht genassen wann ich bin lang ein sunder gewesen mocht ich dan hie vff disser erden zuo einer saligen ruwerin werden so wer es ein kleini sach getann der welte frod vnd wollust lan wolluff Ir megt vnd gand mit mir Aromata wellent kouffen wir damit ich Im geeren mag min grosse sund ich truwlich klag Nu stat yesse vff mit sinen gellen vnd gat hinweg dem nach stat maria magdalena vff vnd gat mit Iren Iunck

F078-001r,07 frowen zuo der appenteck vnd so sy der appentecker ersicht spricht er zuo ir frowe magdalen was biettent ir das ir so trurig komment zuo mir Ir sind nit frolich als ander lut was ich Ioch an dem hertzen lit sagend mir das durch verwer er ich gib uch darzuo rat vnd ler ob ich uch anders gehelffen mag In truwen ich das tun vnd sag Darvff antwart magdalena dem appentecker vnd spricht Mir ist verzog vff disser stund ein artzat der mach all siechen gesund Den wil ich suochen an argen list wann mir hie zuo geuallen ist vil kranckhait we vnd grose nott das mich villicht bald neme der tod kem ich mir selbs ze hilffe nitt darvmb so ist zuo dir min bit Das du mir gebest ze disser stund Der kostlichosten salben hie ain pfund damit will ich den artzat eren vnd fuderlich damit zuo Im keren Vff Das antwurt der appentecker magdalenen vnd spricht Frow mir ist iuwer kranckheit leit das sy uch hie In truwen geseit ich frow mich auch von gantzen hertzen Das ir von verwer we vnd schmerzten von einen artat vff disser erden gantzlich mogent enpfunden werd{2} vnd wil ich geben kestlich salben man findt die nit besser allenthalben Im tutschem oder Im walschem land vier pfund iij guldin gestand ob ir die salben haben wend so gib ich uch si vast behennd Es ist dar ymb vill basams guot der stercket dem artzat sinen muott Darvff antwart maria magda

F078-001r,08 lena vnd wirfft damit das gelt vnd spricht zuo Im Ja ich wil die salbe hann vnd damit vnder wegen lan gib mir ein pfund vnd se das gelt wie ich das vorhin han bestellt wan ich nag lenger nit hie sin te das der artzat var da hin Nu tuot der appentecker salb ira In die buchsen but Ir die vnd spricht Nu send das iurwer gott muss pflegen sid das ir uch des hand verwegen Es hand Ir hie ein volligs pfund das sy uch in der warhait kund ein tropff schmeckt durch ein gantzes huss hiemit sy vwer truwenn vss Hiemit kert sich maria magda von dem appentecker vnd gat allein mit dem salb In synos huß vnd setzt sich hinder den saluator weint Im vber sine fuß trucknet die mit dem har kust die vnd salbet die vss der buch

F078-001r,09 sen so dz simon ersicht tuot er In Im selbs saltzam vnd spricht als ob er mit Im selber rette Ware diser ein rechter prophet als man vomm Im saget hett So wuste er billich zuo disser fust das dise frow ein sinderin ist die Im sin fusse ruret ann sy hat fast vil der sund getan Vff sollichs winckt der saluator Simon vnd spricht zuo Im Simon gang bald har zuo mir wann ich hann etwas ze reden mit dir Simon gat hie mit gegen dem saluator vnd spricht So sag an lieber meister min Ees sol on alles vbel sin Darvff antwart aber der saluator vnd fraget simon vnd spricht Es warent zwen schuldig einen man der Innen dan hat fruntlich getan Einer funffzig pfennig gut der was betrupt In sinen muott Der ander ver des glich Nu warent sy beide nit se rich das sy den heren ze bezalen hetten vnd hatten In nach langem verdenck{3} dz Inen wolt die pfennig schenk{3} der selbig sach Ir ar muott ann schanck Innen das vnd ließ sy gan Nu sag ann simon mit wiser rat welher aller meist ze dankcen hat oder welher het me liebe zuo Im das selb ich gern von dir vernim Vff die frag antwurt simon dem saluator vnd spricht So red ich her ann allen haß das der so aller meist schuldig wz vnd dem er auch den merteil sanck zuo Im solt haben den groste danck Darvff antwurt der saluator Simon vnd zогt mit einen finder vff maria magdalena vnd spricht zuo Im Du hast ein rehti Vrteil geben Simon geschom dise frowen eben mit froden bin ich In her gangen da has tu mich vast wol empfangen vnd doch mine fuß gewesen nit Ich han geeret die hie din bit disse hat aber mit Iren brachen min fuß gewesen dz has tu gesehen mit Irem har getrucknet schon du hast den kuß vmder wegen gelan aber disse nim eben war darvmb das ich bin komen har hat kust min fuß an vnderlaß die si mit Iren trachen begoss min hopt has tu nit gesalbet mir dise hett aber mit grosser begir mine fuß gesalbet woll In der warheit ich dir sage sol Ir werdent vil sund ab gelan wann sy hat vast viel lieb gehan disser red nach facht ein Iuden heist osyas vnd spricht wer ist disser das zurnent nit der den luten Ir sund vergit oder wanne tut er sich nemen Damit wir Iuden In erkennen Darvff antwurt nicodemus vnd spricht Jch sag uch das zuo disser frist Er tuot sich nennen ihesus crist gottes sun von himelrich Darvmb verstand gar eben mich Vff das kert sich osyas zuo denn Iungern vnd spricht Sol verwer maister sin ein prophet Als das geschey hie vber In gett warvm ysset er den so offenbar mit offnen sundern Vnder diser schar Iunger das sagent vns Iuden hie Sm glich han ich geschen nie Dise red gehort der saluator vnd spricht zuo den Iudenn Ich wil uch tun die warheit kund welher mensch hie ist gesundt der darff keins artzat zuo sinen leid Ich tuon das vss barmhertzikeit vnd bin komen ze berussen die gelecht{3} Sunder die sunder mit Iren geschlechte Hiemit stat der saluator vff vnd kert sich gegen maria magdalenen vnd stat also still den so kruwt sy nider vff kruw mit vff gehepten henden vnd spricht O her erbarm dich vber mich nach diner erbermd das bit ich dich vnd nach diner grosen barmhertzikeit dilck ab nim grosse sund vnd leid erlosch In mir min sundigs hertz verlich mir ruwen pin vnd schmerz Damit ich bussen mog min sund mach mich Eyner dyner frund wasch mich von miner sund hin fur Schluff mir vff diner gnaden tur wann ich erkonn mich sund In truwen verlich mir her ein rechten ruwen vnd gib mir zit nach miner klag das ich min sunde bussen mag wann ich han vast vil vbeln getan vnd wenig boß vnderwegen gelan die silben tod p...dhann ich vol bracht vnd wenig in gottes lieb gedacht das vergib mir her durch din gnad vnd wiß mich vff den Rechten pfad damit ich min sund mog ab leben Ach lieber her lauß dich bewegen mine Iungen tag Vnd verlornen zit wan all erbernd an dir lit vnd gloub auch stat an argen list das du gewarer gott hie bist bis mir gnadig nach miner begir so wil ich ewigklich

dienen dir Der saluator heist maria mag

F078-001r,10 dalenen vf stand vnd spricht Stand vff dir sind vil sund vergeben gang hin vnd fur ein seligs leben din glaub hat dich hie selig gemacht gang hab diner schwoster acht bis by ir vnd halt dich schon So wirs tu besitzen des himels tron Nu stat maria magdalena vff vnd gat zuo lasarus vnd martha so sy martha ersicht spricht sy zuo jr O schwoster wen bett din hoffart ein end das du bedechist din groß ellend darInn du lange zitt bist gewessen wie wil tu dinen sunden genessen das sag liebste schwoster min lass din vppiges leben sin darvff antwurt maria mag na martha vnd spricht martha min liebste schwoster ich sag dir In der warheit gester han ich von allen sUnden gelan din seligs leben an mich gehiam wann mir sind all min sund vergeben darvm will ich min Iunges leben In gottes willen ewiglich schliffen der tuffel sol mich nit me beschiffen darvmb verbig mir hie an spot das bit ich dich den ewigen gott Vff das antwurt lasarus marie vnd spricht Magdalena du hast erzurnet mich das du so lange zit vppenlich gelept hast In laster vnd schand als dz er hilt Im gantzen land vnd war min bit an allen spot das du nu dientest dem ewigen gott von dem du hast din sell vnd lib wie kans tu sin so ein vppig wib lauß darvon das ist min bit ich will dir anders vergeben nit Darvff antwurt maria mag

F078-001r,11 dalena Irem bruoder vnd spricht lasare hertz lieber bruoder min ich will dir stetz gehorsam sin vnd leben In gottes wullen vnd gebot das sag ich dir an allen spot wann gott hat min In minen leid Er zogt groß barmhertzigkeit vnd mich von sunden gemacht gesunt vergib mir auch zuo disser stund lasare min aller lieber bruoder wann ich bin darvmb komen zuo dir Lasarus nimpt sy by der hand vnd zucht sy zuo Im vnd spricht Bis tu rein von dinen sunden So kum her zuo min liebste frundin von hertzen han ich des gebert du bist hie diner bitt gewert kum her In der garten din hertz aller liebste schwoster min lass vns mit einander schertzen du liebest mir von gantzen hertzen has tu den dich versunt mit gott So will ich leben In dim gebott So nu dis alles zergat so stat der saluator allem vff vnd gat vff den berg vff einer sitten vnd luciffer vff der ander Sitten vnd so sy hinuff komen So hept der tuffel ein stein vff zogt den dem saluator vnd spricht Du sprichst du sigest gottes sin vnd nimpst dich an vil zeichen zetin ob du Nu der selbe bist So bewer des hie zuo disser frist vnd mach disse herten stein ze brot Dich zwingt doch des hungers not Darvff antwurt der Saluator dem tuffel vnd spricht Durch brot der mensch nit lebt allein Sunder In allen worten gemein die da gand von gottes mund das sag ich dir zuo disser stund wi wol vn ge essen nieman mag leben Im wol den gott gnade geben Vff das ret aber der tuffel den sal

F078-001r,12 uator ze versuochen vnd spricht Von dir ich vil gehort hab bis tu gottes sun so vall hinab lass lügen wend dich din engel tragen Als das die geschriffen von dir sagen das du nit rurist hie die stein vnd nit verserest hand noch bein Antwurt aber der saluator dem tuffel vnd Spricht Jch will dich hie ein ander leren du solt nit versuochen dinen heren der dir zum obern geben ist das sag ich dir an argen list Der tuffel facht aber an vnd zogt Im mit der hand ze ring vmb vnd Spricht Nu sich an die witten welt mang stat vnd schones velt Aber wissen wasser vnd plan die mussent dir werden Vndertan ob du mich an ketten wilt der gabe mich gantz mit bevilt Nu stost der saluator den tuffel mit der hand von Im vnd spricht Du bosser tuffel gang von mir ich bin zum heren geben dir Es stat geschriben dz weis tu wol das ein ieglicher an betten sOl den obristen gott vnd heren din vnd dem allein gehorsam sin trag von mir dinen falschen spot ich bin din her vnd auch din got du vnreiner falscher helscher hund ker dich von mir zuo disser stund Nu loufft der tuffel mit grossem geschrey In die hell vnd koment die engel zuo dem saluator knu

F078-001r,13 wen fur In vnd facht dis nach

F078-001r,14 volgent an ze singen Benedict marye filius q{12} venit In noien domini o sanna In excels Vnd nach dissem gesang facht der erst engel an vnd spricht heer du bist gnaden vol darvmb man dich billich loben sOl wann du erlost die armen welt vnd furst die In der gnaden zelt da vil der wunn vnd froden spil tonet an Jndes zill Nu gand die engel vnd der Saluator an Ir stet vnd die Iuden In tempel den stat der saluator mit den Iungern vff vnd gat gegen den tempel vnd so In die Iuden ersehen vnd also mit einander meret

F078-001r,15 en facht salathiel an vnd tuot vff In tutten Wer ist disser fromder j man der also freuenlich darzuo vmb gan Ist er nit von vnserm geschlecht So hat er In dissem tempel nit recht Disse red verantwort ninodemus Vnd Spricht Er ist geborn von nazareth Ihs{10} cristus der war prophet Er kant in allem gallen das sag ich uch vnd seit es ee Mit dissem gat der saluator In den tempel vnd Spricht Ir Iuden Ir ruben gewaltig sachen vnd wend den tepmel zum koffhuß machen der aber zeber{3} gemacht ist als das stat geschriben on argen list Ziehen iuwer merckt hinvsz Es ist geheissen das bethuss Ir hond das aber gar veracht vnd In zuo einer morder hule gemacht So nu der saluator dis gesett So koment zwen arm man ein kruppel vnd ein blinder vnd falt der kruppel vff sine knuw vnd Spricht O heiliger prophet Ihesu crist erhor vns armer zuo disser frist Erzog din barmhertzigkeit alle stund mach vns armen krancken gesunt Dem nach falt der blind vff sine knuw der selb heist lucillus vnd Spricht O her du warest arecht vnd gericht hilff mir wider vnen min gesicht der ich so lange gemangelt hab Sit das ich was ein kleiner knab teil mir din barmhertzigkeit lauß dich bewegen min großer leid wan ich han ein gutten glouben an dich her erbarm dich vber mich Nu macht der saluator ein crutz vber sy heist sy vff stand vnd Spricht Stand vff Ir find hie wider bracht vwer gloub hat uch selig gemacht Ir sind genessen von allem wee gand hin vnd tund kein sund me So Nu die Iuden vnd ander dz zeichen sehen fachen sy an murin bey vnd In dem fachen an die kleinen knaben In der Iuden schuol ze singen diß nach geschriben ge

F078-001r,16 sang Alpha et O primus et novissimus et stella matutina tu clavis David alleluja Vnd nach dissem gesang facht Aber an salachenel vnd spricht zuo dem saluator Hers tu was disse kinder sagen Sy sind nit komen zuo iren tagen vnd spotten din zuo disser frist das du so ein gultar artegat bist Darvff antwurt der saluator vnd Spricht Ich hor

dz gern sy lobent gott vnd tuon uch Iuden das ze spott wan von der sugenden kund mund Sol gott gelobet werd{2} alle stund Als ir das dick gelessen hand darvmb so ist es ewer schand Hiemit gat der saluator vsz dem tempell vnd facht die Iuden an zuo murmlen vnd in dem kompt er pisamen da lit ein krancker man zuo dem Spricht er Was lis tu hie vff disser erden begeres tu vnd gesunt zuo werd{2} Darvff antwurt der kranck man vnd soricht vnd Indem koment die Iuden vsz dem tempel her zuo louffen O her wer will mich den ernerer ich mag mich weder wenden noch beren wen der engel das wasser wegt ein anderer sich vor mir darIn legt vnd het kein mensch erberm mit mir o lieber her das clag ich dir ich bin hie gelegen dryssig Iar vnd wil min nemet nemen war Damit ich wurd auch gesunt groß schmerzen lid ich alle stund Vff das macht der saluator ein crutz vber den krankchen man vnd spricht Stand vff vnd nem din bet mit dir gang vnd wandel nach diner begir hut dich vir hzin vor vbel tun wil tu werden gottes sun Nu stat der kranck vff vnd nimet sin bet Indem gat Zacharias hin zuo Im vnd spricht lauß din bet liegen das ist min rat wann es ist hut der sabat du solt das hut nit hin tragen ich wil es anders dem bischoff sagen darvff antwurt der kranck man vnd spricht Jch wil nach das gebotten leben der min hat min grosuntheit geben er sprach sand vff vnd nim din bet das han ich tan al er dad tet Vff das antwurt ein ander jud hie lamech vnd spricht Wer ist den der dz tuo vns kund der dich bald hat gemacht gesund der kranck antwurt vf das vnd spricht Das kalb kan ich uch nit sagen Er hies mich min bett mit mir tragen Das tett ich bald an alles we vnd ham gesehen vor nie me Nu gat ieder man wider an sin statt vnd treit der kranck sin bettlin etwa hin vnd gat den allein In den tempel Da kumpt der saluator auch mit sinen Iungern hin vnd Spricht zuo dem Krancken Min war du bist vonn we erstand

F078-001r,17 en luog das dir nit gang ze handen damit du sallest In sund vnd we Ich hilff dir ander minder me Nu gat der kranck zuo den Iuden vnd Spricht zuo Inen Jr Iuden ich han mich woll gedacht ich weiß wer mich hat wider bracht Ihesus crist gwarer gott dem wil ich diennen on allen spott Darvff statt lamech vff vnd ret zuo den Iuden vnd Spricht Ir heren loud vns die sach gedencken wend wir In disse schmacheit sechencken das er vns vnsern sabat bricht vnd so freuenlich wider vns spricht loud vns tun zuo dissen dingen Er mocht ein nuwen glouben bringen Darvff antwurt ein ander Iud heist solomon vnd spricht Wir wend In etwan In den tempel finden da suchen In teglich die lamen vnd blind{2} den loud vns mit Im arguwieren vnd Im von grund vff examminieren damit wirt er vns ze teil ich mein Im sy sin leben seill wolluff ir Iuden mit mir dran ich hon Im sehen In tempel gan Im stand die pharasey all vff vnd gand In tempel da finden sy den saluator vnd facht Iecho

F078-001r,18 mas an vnd Spricht Wie vil han gehort von endung diner Zeichen In capharnum die tuo ouch hie In dinem land{2} man hat dirs anders fur ein schand Darvff antwurt der saluator vnd spricht furwar sag ich on argen list das kein prophet enpfenglich ist In sinem land von darime er kumpt das sag ich vff minem mund die warheit sind mercken bas vil witwen werden wissen das by zitten helie Inn Israhell die lepton al In grosser quell als lang der himel was beschlossen druy Iar vnd sechs monat vmbe gossen vnd da ein grosse ture erschein In allem ertach vnd gemein vnd ward helias keiner bekant den allein zuo einer gesant In sareptura sydone zuo der kam er on alles we Es warent ouch vil maletzer do

F078-001r,19 by zitten heleseer vnd ward vnder Innen keiner rein den neamen sirius allein darvm lond es kein wunder sin ab ir nit sehen die zeichen min Ye zund fachen aber an die Iuden fast ze murmlen vnd spricht keyphas der bischoff Loß wie trubt er so grossen gewalt als wer er hunder Iar alt Er ist Iunger den keiner hie vnd nimpt sy an ze sagen wie helyas vnd helysius geruffnet hond vnd het Ir keiner nie bekant Ir heren der kan bringt vns In not Es ist vil oeger er sy tod darin das er vns hie sollte leren wir wend sin nit zuo vnserm heren In dissem schlicht der saluator vff dem tempell vnd verbirgt sich den facht annas an vnd spricht Ir heren der mensch ist vns ze wiß er schlich so heimlich vnd so lniß Zuo vns vnd von vns wen er will wir truben der wort hie ze vill lond vns Im hupschlich an gegen gan ob wir In mit Worten mocht{2} fachen wan es ist ein selczem ding dz ein fo llicher Iungling so viel hit sOl verfahren wart er vns ze teil wir wen In ruren Solten wir folgen sinen gesch Er brecht den Iuden Ir gesatz Darvff antwurt Iosophat vnd spricht Moyes hat vns ein gesatz geben nach der selben wellen wir leben vnd nieman lond dar wider sprechen ob vns die Ieman welt zerbrechen uch weinne er wenne er sy gott das er hie vnnser aller spott Raten zuo Ir wissen man wie wir ß wellen fachen an damit wir Im sin clappern werend{2} das er das volck nit tu bewegen Vnd In dissem kumpt der saluator wider In tempel so facht lamacht an vnd Spricht Sag anß hie bis tu ach gott warvm brechen die Iunger vnser gebott Sy waschen yie hend nit so sy niessen Ir brist das muss In vbel erschiessen Wir dorffens vns alls verspotten oder has tu das ze tun Innen gebotten Darvff antwurt der saluator vnd Spricht Warvm vber gand Ir das gebot das uch selber hat geben gott wan er redt mite gutten leren Ir sollen vater vnd mutter eren vnd welcher dennen vbel rett der selb den tod verschuldet hett Ir hand aber ein anders erdacht vnd min gebott verriet gemacht durch uwer hoffart vnd vbermut das wirt uch tun die lenge nit guot o ippecritti hat wol prophetisiert als essias das probiert Das volck mit Iren leszten mich ert vnd ist Ir hertz wit vonn mir kert heren vnd mercken disse stund was da In gat durch den mund bringt den menschen nit in sund was er redet Ir darzuo lieben frund Vff disse red fliehen die Iudenn vß dem tempell vnd gend kein antwurt vnd facht Iacobus der minder an vnd spricht Rabi die pharsey sind geschent vonn dissen Worten hie behend die sy vonn dir hand gehort du hast sy da spit all bedort Darvff antwurt der saluator vnd spricht Ain yetlich zwy das da nit ist gezwig von miner vater eder gefrigt das sol man die lenge nit behaben sunder vss dem ertrich graben lond disse gan sy wassen blind wan sy der blinden fursten sind vnd wen ein blind den andern lert damit so werden sy beid verkert vnd fallent beid{2} In einen graben dz tuot das sy nit gnad haben Vff das antwurt petrus vnd Spricht zuo dem saluator Her es schein vns

dis perabel du seist es vns In einer fabel von dem blinden vnd anderm wessen was sollen wir guttes darvß lessen Darvff antwort der saluator dnd Sp Iungern vndd spricht Ich mein das Ir auch sigen blind wan Ir vn verstentnuß sind verstand ir nit min red vnd ratt ein ding das zuo dem mind In gat wirt verzert vnd gat zuo nut nach naturlichem wessen aller lut was vß dem mund von hertzen kumpt vermassget den menschen alle sund wan davon gand vil boß gedenck dot schleg ebruch vnd ander klenck vnkuscheit diebstall vnd valsch zuenge fluochen schweren liegen vnd triege ain sollicher sich der mensch verstundt vnd nit mit vngeweschnen hend{2} lieber frund als ich uch hie gib ze verstand wollust wir wollen von himen gan Nu gat der saluator mit sinen Iungern vss dem tempell zuo dem brunnen da sitzt er nider vnnd Spricht zuo sinen iungern gand hin vnd bestellen uch ze essen wan ich hon nuch all hie vermessen ze ruben by dissen brunen ein will darvm so gand In schneller yll hond min kem ach vnd lon mich gan Es wirt uch hie ze lang ze ston Nu gand die Iunger vonn Im an Ir stat vnd so er also sitzt so kumpt ein samarischtanisch frolin vnd treit zwen krug zuo dem brunnen vnd so sy also wasser geschopfft stat der saluator vff vnd spricht zuo ir frowli nim miner rede war but mir bald ze trincken har Vff disse vorderung erschrickt das frowly vnd lat die eimer fallenn nimpt ein krug vnd butet Im zuo trincken vnd spricht damit zuo Im Wie mags tu den trunck von mir enphahen ich bin doch ein samaritan vnd du ein Iud das gesich ich wol das selb ich von erst wissen sol Darvff antwort der saluator den frowling vnd spricht wurstest du die gottes gab oder wer ich wer der dir geheischet hab du wurdest vilicht all hie begern er tot dich des ewigen wassers geweren Vff das antwort das froy dem heren vnd spricht du kanst mir nit geben vast sid das du doch kein geschier hast darin du fastest zuo disser frist so der baum so hoch ist Darvff antwort der saluator vnd zogt vff den brunen vnd spricht wer do trinckt von dissem brunnen In dem ist es vast bald zerrunen wer aber trinckt was ich Im gebut den ser durstet ewiglich{2}n nit vnd wird In Im ein sprungender brum zuo ewigen leben vm vnd vmb Vff das antwort das froy dem saluator vnd spricht her so darff ich das nit fassen gib mir ouch des selben wassers das mich nit me dursten werd es kem mir wol vff disser erd Darvff antwort aber der sal

F078-001r,20 uator vnd Spricht gang hin vnd stel das wasser nider reich din man vnd kum her wider Darvff antwort das froy vnd Spricht Ich durfft darvm nit von dir gan wan ich hon scher kemen mann Antwort der saluator dem froy vnd spricht froy du redest wol vnd von das du sprichst du habest kemen man wan ich sag dir zuo disser frist das du des funfften ee/wib bist vnd den du yetz hast by dir Ist nit din man das glob du mir Das froy antwort dem saluatore vnd Spricht Ich hor vnd sich zuo disser frist her das du ein prophet bist vff dissem berg hond gebettet Min vnd vnser aller vetter wol Ir prophet reden sin das zuo Ihe rusalem das bet huß syen Antwort der saluator dem froy vnd spricht froy so sol tu gliuben mir Es kumpt die stund das sag ich dir das ir ze Ireusalem noch hie nit bet{2} wan du vnd all vwer vatter betten Ir wassen selbs nit was fur war fur war so sag ich das vnser bet wissen wir alle stund wan vff dem Iuden das heule kumpt doch loss me was ich dir sag froy fur war es kumpt der tag das dir Rechten In warlich Im geist betten werden die du nit weist wan der vatter suocht denn man der Inn teglich bettet ann Vff das antwort das froy dem saluator vnd Spricht her ich weisz on argen list das mesias komen ist den man Ihesus cristus nampt by sinen zeuchen man In erkent So nu kumpt der selbig her der wirt vns allen geben ler antwort der saluator dem froy vnd spricht Ich bin der selb der kunnenn sol der mit dir redt das hors tu wol Inn dissem kumen die Iunger mit Spiß vnd verwundern sy vnder einander das der saluator by einer frowen stat vnd vff halben weg sacht Iohannes an vnnd spricht Lieben bruder loud vns sehen das ist vns allen nie geschehen das sich vnser maister lot schowen so gar allein by einer frowen Nu gand die Iunger zuo im vnd reden zuosamen vnd facht petrus an vnd spricht zuo dem saluator Rabi du bist lange hie gesessen sand vff mir bringen du zuo essen Darvff antwort der saluato

F078-001r,21 Innen vnd spricht Lieben Iunger as ist min spiß das ich ann kere allen fliß Ein spiß hann ich hie zuo essen dero ir uch nit hand vermessen vnd wissen solch nit was die ist das sag ich uch on argen list Vff das antwort bartholomeus vnd spricht Ir bruder ich hon mich hie bedacht ich mein man hab Im zuo essen bra{3} Darvff antwort der saluator Innen vnd spricht Lieben Iunger das ist min spiß das ich ann kere allen fliß Damit ich mins Vatters Willen tun als ein getruwer gehorsamer sun das ich das werck vol bring mit rat das er mir ze tun enpfollen hat Lieben Iunger achten min nit sitzen vnd essen nach uern sit Vff das antwort Iohannes vnd spricht zuo Innen Ich rat mir sitzen vff die erd vnd essent bis es besser werd Sid er doch nit mit vns essen wil So wend mir vnser selber nit vergessen petre Richt vns zuo den tisch vnd gib vnß Brott vnd broten visch Nu richtend die Iunger zuo vff den herd ze essen vnd sitzen nider In dem nimpt das frowly die krug vnd gat hein vnd spricht zuo iren gesellen Ir heren ich hon ein menschen sund{2} der hat mir geseit zuo diser stunden was ich ye begangen hon komen vnd sehenn disen man mich trugent denn die sine min So mag es Ihesus cristus sin Nu stat lasarus niredemus Ioseph von aramathi vnd die Iren vff vnd gand mit dem froy zuo dem saluator vnd den Iunger vnd facht Ioseph von aramathien an vnd spricht Her Du solt by vns sin So wen wir volgen der lere din vnd dir ouch gern gehorsam gewesen wan du hast die bucher gelessen Der saluator antwort den selben allen Min Vater hat mich vss gesant zer uerkunden in alle land sin gewalt vnd er Im höchsten tron als das werden sehenn schonn wen das menschenkind wirt gericht als der propheten mund spricht An mine zeichen werden den ir globen lugen hie ann diser frowenn Der han ich geseit wie sy tuot leben vnd dennoch Ir die sund vergeben Vff das Get Ioseph von amarathien zuo dem froy vnd spricht froy loß was ich dir bit wir glauben diner rede nit So wir aber horen vnd sehen Sine zeichen sind geschehen So glauben mir on argen list das er gottes sun ist Darvff heist der saluator die Iunger vff stan vnd gand die andern ouch an ir stat vnd spricht der saluator Stand vff ir Iunger loud vns gan gen naym da wen mir zuo schaff hon Nu stand die Iunger vff vnd tuond die spiß neben sich vnd den gan sy mit einander gen nayim vnd vff halbem wege do

koment fur man mit einer totten bor Darvff lit ein knab als ob er tod werde vnd gat der bar nach Rachel vnd spricht O we min aller liebster sunn wie so ich arme muter tun Ich han doch sunst kem kind den dich O we hut vnd ewenklich das ich so gar verlossen bin All min frod ist mir dahin o we min aller liebstes kind vor leid vnd lamer mir geschwint Owe des grossen lamer vnd schmerzten den ich hon ann minen hertzen wie so es mir armes wib ergen das ich min sun verloren han So sich die frow also vbel gehept vnd sy den saluator sehen komen Stond sy still vnd gat der saluator zuo der frowen vnd spricht froly los din weinen sin ich teil mit dir die gnade min Vnd damit gat er zuo der bar vnd den totten an vnd spricht lungling du solt vom tod erstan vnd mit diner muoter gan Mit dissen stat adoloses der tod vff mit vff gehepten henden vnd spricht here ich lob dich zuo disser frist was du der war messias bist der kumpt nach der prophet{2} sag muter loß von diner clag vnd gib allein gott die er der hat das ton mit siner ler wan ich was ze tod gestorben Nu bin ich wider lebendig worden durch gottes krafft vnd barmhertzikeit lob vnd er sy dir geseit Vff das felt die mutter vff ire knin gegen dem saluator vn spricht zuo Im O her ich danck dir diner gutte das du min trurigs hertz vnd gemutte wider In froden hest erkickt das mich min sun hie an blickt des wil ich ewenklich loben dich vnd das verkund{2} arm vnd rich damit sy horen vnd ouch sehen das sy dir sollen lob verlehen Nu gat der sun vnd die muter hinweg vnd facht Ioseph von aramathien an vnd spricht Ein grosser prophet ist vff erstand{2} allen Iuden hie za schanden die kein glouben wend an Im han Sehent ir frowen vnd man das got sin volck hie tut schowen An dissem lungling vnd der frowen darvmb so land vns geben got Allein die er ann allen spott Nu gat yederman ann sin stat vnd gand die pharisen In tempel ze muermeln In dem kompt der saluator mit sinen Iungeren gan vnd spricht zuo Innen Ich wil uch geben hie ein ler Durch mines himelschen vaterber Die ler die ich geben tun kumpt vom vater vnd nit vom sun welher aber vß rechten mut Inns himelschen vatters Wilen tuot der merck durch disse wort vnd bot ob das sye hie von gott oder ob ich allein durch mich wann ich das sagen sicherlich wolcher gern vil eren hett der selber vil von Im selber ret wa aber einer ret durch rat des so im gesendet hat der selb Wirt ann der warheit sund{2} das sag ich uch zuo dissen stund{2} hat nit moyses by sinem leben vnd anders keiner die gesatzt geben warvm wend ir den die zebrechen vnd suchent teglich mich ze erstechen Darvff antwurt ein Iud heisset ysack vnd spricht Ich mein du habest ein tuffel by dir das sel tu sicher glouben mir du seist von grossen sachen vns notten welher suocht dich hie ze totten Vff das antwurt der saluator den Iuden vns Spricht Ein werck vnd zeichen han ich getan da hand ir all ein wunder an vnd meinend ich hab die gesatz zerbrochen nu blibtz doch an uch gerochen das ir am sabbat beschinden die kind Ir sind mir vmb das gottlich sind das ich am sabbat han gemacht ein menschen gesunt vnd wider bracht Richtend nit nach der gesicht Sunder nach dem rechten gericht In dissem kompt lemathan ein Iud har fur vnd spricht Ist nit diser den sy suchen In ze totten vnd Im fluochent Nu ret er all ding offenbar vnd nimpt sin uwer dheiner war furwar vnsern fursten hand erkent den der sich dan Cristen nent nu wissen wir all wer diser ist das tund sin bosen fullen list wannen aber cristus kunt das wisen wir nit zuo diser stund darvff antwurt der saluator vnd Spricht zuo innen Ir wissend wannen vnd wer ich bin beschwarend darvmb nit uwer sin von mir selb bin ich nit komen Als ir das vormals hond vernomen der ist die warheit der mich hat gsant den ir nit wissen ze hand Ich weiß in aber als ich uch sag der selb mich wol behutten mag ven ob ich ret ich wist In nit So wurd ich zuo lugner nach uweere sit Ich weiß aber den himelischen vater min wan ich doch von Im komen bin Von disen Worten werdent die Iuden zornig vnd erwistent stein In den saluator ze erwerffen aber er verbirgt sich vnd gat hin

F078-001r,22 weg den facht aber lemathan An vnd spricht Wie wellent wir disen sachen tun Er spricht er sy gottes sun mir zwifflet nit zuo dirre frist das der so der gewar messias ist Ine zeichen tug dan disser kan So kompt ze richten yederman Darvff antwurt Salomon den Iuden vnd Spricht Ich weiß in wol zuo vber ringen wir wend In morgen die frowen bringen die ir ee gebrochen hatt vnd Im dann sagen Ir misse tatt la sehen wie er sy richten wil nu schwigent alle darzuo still wir wend In yemer em anders leren wann er wil vnser volck verkeren Vff das antwiert nicodemus vnd spricht Die sach wend ir nit Recht vber stan Ir mussent nach der gesetzte gan die den menschen richten tuot das sag ich hie vß minem muott wann soltend Ir lengen an In hand Ee das er uch wurd bekant So tatten ir alle wider die gesetzzt vnd wurdent von der welt verschetzt Darvff antwiert lemathan zonlich vnd spricht zuo nicodemo Ich mein Dir sig nach vngluck we mich dunckt Du sigest ein gallile luog was vnser geschrift in hat von gallilea dhein prophet vff stat In dissem facht lameth an vnd spricht zuo den Iuden Ir geschrift gelerten warvm sind wir hie Ich han uwer glich gesehen nie gang vnd bringent har das wib die da verwircket hat iren lib vnd In dem eebruch ist begriffen wie stand ir alle so geschliffen lemathan gang vnd bring sy har In tempel fur der Iuden schar Nu gat lemathan zuo dem chana

F078-001r,23 neeschen froly vnd spricht Schonne frow stand vff vnd gang mit mir man wirt ein vrteil geben dir darvmb das du din ee hast brochen das blipt an dir nit vngerochen Nu got das frowlin mit lemathan In tempel vnd facht annas an vnd spricht zuo ir E frowly du hast die gesatzt veracht vnd vns hie all ze schanden bracht darvmb da du zerbrochen hast din ee das tut vnns bekumben vast wie wil tu verantwurten dise sach das du nit komest In vngemacht Darvff antwurt chananea vnd spricht lieben heren vergend mir das legen an mich keinen spaß loud mich bliben das ist min bit Es geschach mir doch nit willen nit fur hin wil ich mich hutten wol das es mir nit me geschehen sol In disem kumpt der saluator mit den Iungern In tempel vnd so In die Iuden erseht nimpt cayphas das frowly by der hand vnd zagt die dem saluator vnd spricht Meister wir bringend dir hie ein frowly Die selben sol tu wol geschowen Im eebruch ist sye begriffen word{2} das ist nu wider den gesatzttun ord{2} wann moyses vns gebotten hat Sollich zuo vrteilen vor dem rat vnd sy ze totten als ich meinen In sy ze weffen mit grossen steinen Vff sollich klag buckt sich der salua

F078-001r,24 tor vnd schribt mit einen finger In das ertrich vnd den spricht er zuo Innen Ir Iuden merckent eben

wie Welher sig on sunde hie der werff an sy den ersten stein vnd lügen welher sy rein Nu buckt sich aber der saluator vnd schribt wie vor vnd mit dem selben schlichtent die Iuden all vss dem tempel den hept Sich der saluator vff vnd spricht zuo dem armen frowly z frowly war sind komen dise man die dich wolten verurteilt han vnd die dich har hand präsentiert oder hand sy dich hie usdempiniert vff das falt dz frowly nider vff sine kniw vnd spricht zuo dem saluator Vngeurteilt stan ich her vor dir darvm so bis ouch gnadig mir Si sin doch alle himen gewichen vnd heimlich vss dem tempel geschlichen Erbarm dich vber mich armes wib vergib mir das der torecht lib gesundet hat vnnd vbel getan Ich wil s nu vnder wegen lan das sag ich dir heer In truwen zuo darvmb du mir gnade tuo Darvmb antwort dars saluator dem frowly vnd Spricht Frowly loß zuo eben wie ich will dich ouch nit vrteilen hie gang du bist erlost von we luog vnd tuo kein sund me Nu gat das frowly enweg vnd der saluator mit sinen Iungern vss dem tempel vnd vff der straß bekumpt jn ein blind heisset marcellus so den selben die Iunger sehent stand Sy all still vnd spricht andreas zuo dem saluator Rabi meister her vnd frund hand vater vnd muter oder diser die sund Sid er so bling geborn ist das sag vns hie an argen list Antwort der saluator den Iungeren vnd diser mensch hat getan kein sund des glich sin vater muter vnd frund er ist aber darvm geborn blind Sid vil der lut vngelobig sind das gottes werck vff diser erden durch In damit geoffnet werd{2} ich muß erfüllen hie ze hand die werck des der mich hat gesant vnd wercken by dem halben tag wan es wirt nacht das nieman mag Arbeiten das sag ich uch fur war Ich bin doch darvmb komen har von minen himelschen vater bestellt dz ich sol sin das liecht der welt Darvff antwort petrus dem saluator vnnd icen Her Zurn vnser fragen nit das ist zuo dir min fruntlich bit die frag die andreas tut diser stund Ist geschachen vss einen guten grund Vff diser red spuwt der saluator in die hend vnd gat zuo marcello vnd bestricht Im sin ougen dar

F078-001r,25 mit vnd spricht gan hin marcelle an alles we wasch dich Im wasser fluß silse Nu gat der blind zuo brunen vnd wascht sin ougen vnd wirt gesehen vnd gat wider gegen dem tem

F078-001r,26 pel vnd vnderwegen stand Iacob obeth pharais vnd esram vnd sind die pharisen Im tempel vnd facht Iacob an vnd spricht zuo sinen gesellenn Jst nit dis der geborn blind den ich hie gesehen sind der teglich vor dem tempel saß vnd ein armer betler was Darvff antwort obeth vnd spricht zuo Iacob ja es ist der selbe man furwar ich das gesagen kan Ich kenn In by sinen kleidern wol Sin artat er vns sagen soll Vff das antwort einer heist phares vnd spricht nein nein er ist Im sunst glich All min sin die truegend den mich Er ist demnach hut gewessen blint kein sollichen meister man hie sint der Inn sO bald kond erlernen An uwer wort ich mich nit keren Darvff antwort marcellus vnd spricht Ich kan uch gesagen wie ir hie sint das ich bin der geborn blind vnd gesen als vwer einer tuot des honn ich frod in minen muott Vff das antwort ein ander Iud heist Esron vnd spricht So sag vnns hie das wen wir han wie sind dir die ougen vff tan das ist ein abeturigs leben das dir din gesicht alhie ist geben Antwort marcellus vnd spricht Jch wil uch sagen das behend der mensche den man Ihm{10}en nent mach mich an minen ougen gesund ich tuon uch hie die warheit kund vss sinem muond salbet er mich vnd sprach gang hin vnd wasch dich In natatoris sylse so vergat dir din ougenwe Da bin ich gangen vnd hon dz getan vnd all min gesicht von Im genam Vff das antwort aber esron dem blind{2} Wa ist der das tuo vnns kund wir suochen In doch alle stund marcellus antwort vnd spricht dasselb kan ich uch nit sagen ich gesach Inn nie In dryen tagen Vff das antwort Iacob der Iud vnd spricht zuo esron Esron nim Inn by der hand es ist vns Iuden allen ein schand fur Inn mit dir Inn tempel zog denn Iuden dis exempel der mensch der wil vns all betriegen mit sinen falschen clappern vnd liegen Nu nimpt ersron marcellun by der hand vnd furt In In tempel fur die Iuden vnd spricht niemand gesach nie grosser ding den an disem Iungling lieben heren nemen war wir bringend disen menschen har der ist nun lang gewessen blind vnd also geborn ein kleines kind Sin gesicht Im Ihesus geben hat Als wir verstand am sabbat doch heisend uch selb hie tun kunt wier er Inn hab gemacht gesunt Darvff facht annas an vnnd Spricht zuo marcello Sag vnns wie hat er dir getan das dich die blintheit hat verlan Antwort marcellus aber vnd spricht So fond ir mir Inn truwen globen Er hat mir gesalbet minen ougen mit sinen spechel vsz dem mund da ward ich gesehen zuo der stund Darvff antwort aber annas der bischoff vnnd Spricht Sinen mochte wundern an allen spot ob der selb mensch war von gott So er den sabbat nit wil halten vnd vnser gestzte tuot verschalten Vff das antwort cayphas der bischoff vnd spricht Mich wundert das ein sundiger man Sollich zeichen volbringen kann gang Iacob tuo es loynis kund ob er von Im ouch wurde gesunt Nu gat Iacob zuo loyno vnd spricht loyne kum In tempel bald da wirs tu horen ein seltzen gestalt der geborn blind ist worden gesehent Ich weiß nit wie Im ist geschehen Nu stat loynus vff vnd furt Inn Iacob In tempel da stat er vnd hort zuo vnd facht nicodemus an vnd spricht zuo marcello Blind tu vns din meinung kunt vonn dem der dich hat gemacht gsunt Antwort marcellus vnd spricht So sag ich uch an argen list das er ein rechter prophet ist Vff das facht aber cayphas an vnd spricht zuom obeth Obeth gang kum bald darvon und heiß des blinden vatter kon Nu gat obeth zuo marcellen vater vnd spricht zuo Im Stand vff vnd gang mit mir behend die Iuden hand mich nach dir gesent du soltz nit vnderwegen lan wann sy dich ernstlich müssen han Marcellus vatter stat vff vnd gat mit obeth In tempel vnd facht cayphas an vnd spricht Jst diser hie din kind der allweg gewesen ist blind wie mag Im jemer sin geschehen das er so bald ist worden gesehenn Darvff antwort marcellus vater vnd spricht Jch weiss woll heer das er was blind Eer ist ouch sicher min elich kind wie Im aber geschachten ist das fragent Inn zuo diser frist von Im selb re reden hat er gewalt Er ist vernunftig vnd eben alt Jn dissem stat nason her fur vnd spricht Ir heren vernend zuo dirre frist welher disen nannet trist der den blinden hat gescheen gemacht vber den selben ist er dacht das er wirt geworffen vß dem tenpel dis sond ir han fur ein exempel Vff das facht zacharias an vnnd spricht zuo marcello du solt die ere geben gott das wend wir hann an allen spot wann ich sag dir an argen list das din artzat ein sunder ist Darvff antwort marcellus dem zacharie vnd spricht Von siner sund weiß ich

nit ze sagen Jch sol mich ouch nit ab Im klagen Was ich wz blind nu gesen ich wol gar billich ich Inn loben soll Antwort
aber zacharias mar

F078-001r,27 cello vnd spricht wie ist dir worden din gesicht das sag alhie dem gantzen gericht So hort loynus von
dissen dingen ob er Inn ouch mocht wider bringen Vff das antwort loynus vnd Spricht zuo In allenn Ich wil siner hilffe
nit helffe mir wen ich Inn bit andern gloub ich nit ewenklich Er hett so dick gesehen mich vnd mocht mit nie kein hilff
tun hett ich gewist ich wer nie hieher kon darvff antwort aber Zacharias vnd spricht zuo marcello Nu sag ann wie er salbet
dich das dir wider kam din gesicht Antwort marcellus vnd spricht Ir sond mich vngefraget lan sid ich uch s vor gesaget
han durch vwer fragen muß ich sterben Ich mein ir wellend sin Iunger werd{2} Darvff antwort aber zacharias marcello
vnd spricht Du solt des selben Iunger wessen moyses hat die bucher gelessen deselben Ounger wend wir sin wann gott
der hat geret mit Im wannen der sy das wissen wir nit Schwig sillt das ist hie vnser bitt Vff das antwort marcellus vnd
spricht Das ist ein wunderliche sach Sid er mich hat gesehen gemacht vnd ir nit wussent wer er ist das wunder mich an
argen list laud ich selber vnbedort Ir wissent das gott kein sunder hort welcher aber ist von gott den selben hort er an allen
spott von anfang der welt ist nie gedacht das ieman blinden gesehen macht Nu gat leathan har zuo vnd stost marcellun
vss dem tempel zer mensch

F078-001r,28 en vnd spricht Du bist doch gantz In sunden geborn vnd lerst vns glich als weren wir toren Du must
vsz disem tempel gan vnd vns hie vngeleert lann Nu gat marcellus hinweg vnd bekumpt Im der saluator vnd gat leathan
nach vnd sden spricht der saluator zuo marcello Marcelle du solt mir ze wussen tuon gloubs tu Ioch yetz ann gottes sun
Antwort marcellus dem saluator vnd spricht Ja zog mir den du saliger man damit ich an In glouben kan Darvff antwort
der saluator marcello vnd spricht Jch bin s du hast mich vor gesehen durch mich so ist dis zeichen geschehen Ietzt falt
marcellus mit vf gehepte henden gegen dem saluato vff die kniw vnd spricht Heer erbarm dich vber mich wann ich will
ewenklich globen an dich Darvff antwort der saluator marcello vnd spricht Marcelle stand vff mit heil vnd from In das
gericht der welte bin ich komen darvmb das die blinden kind geschenn wurd{2} vnd die gesehen blind Darvff antwort
leathan dem saluator vnd spricht du redest hie on alles erberen Als ob wir all erblindet weren Vff das antwort der
saluator dem

F078-001r,29 selben vnd spricht Werend ir blind als ich uch kund So hattend ir alle niena sund Sid ir uch aber
gesehen schriben so mussent ir in uern sund bliben Nu gat leathan In tempel vnd spricht zuo den Iudenn Wie wend
wir erdencken einen sin das vnns der lugner nit entrinn Er hat sich nienan heimlich sinden vnd spricht wir syend alle
blinden In dissem macht der saluator vss seillen ein geissen vnd stand die Iuden Im tempel ze merckten vm kelwer oder
essel was sy dann hant vnd furt vrias by dem wechsel

F078-001r,30 banck vnd marcellus vater mit einen korbly mit tuben darIn vnd dan gat der saluator hinin vnd
zornig vnd schlacht er die Iuden vnd das vech vss dem tem

F078-001r,31 pell vnd wurfft den wechsel

F078-001r,32 banck vm vnd den louffent die Iuden all hinss vnd denn spricht der saluator zuo dem mit denn
tuben tragent die tuben all hinss wend ir machen nim s vater huss zuo einen huß der kouffman schatz gang vnd trag
sy vff den platz Disser mit den tuben gat ouch hinss vnd koment die Iuden all wider In tempel vnd facht vrias an vnd
spricht zuo dem saluator Wie darfft du dis so gewaltig tun Als du warest gottes sun lauß vnns hie ein zeichen sehen Sid
das diß von dir ist geschehen Darvff antwort der saluator vnd tuttet mit der hand vff sich selber vnd spricht Wend ir
sehen ein exempel so entledigen vnd brechen tisen tempel den will ich wider In driyen tagen hie vff richten vnd loud uch
sagen Vff das antwort aber Vrias dem saluator vnd spricht Wil tu In dryen tagen machenen Ein sollichen tempel das sInd
groß sachen daran man sechßvndvierzig iar gemachet han vnnd das ist war So bis tu grosser dan abraham den gott zuo
ein vermesser nam Mit dissem griffent die Iudenn nach den steinen In ze werffen Sy mogent das aber nit vol bringen denn
Spricht der saluator Durch mines himelschen vaters er tun ich dis zeichen vnd ouch ler darvmb ir mich versteinigen wend
Des ir aber nit gewalte hend Vff das facht zenturis an vnd Spricht zuo dem saluator Wir versteinigen dich nit durch deine
zechen Sunder dz du vnns tuost leichen moyses verachtest vnd sin gebott vnd dz du sprichest du sigest von gott darvmb
wend wir dir vbel sprechen vnd die sach hie an dir rechenn Darvff antwort der saluator vnd spricht Ich kann uch sagen on
allen spott das ich gebrochen bin von gott An mich sond Ir kein glouben han ob ich sin werck nit vol bringen kan tuon
ich aber das er ouch tuot So gloubent mir das ist uch guot Vff das antwort aber Vrias vnd Spricht zuo dem salaator du
wirst vnns wenig lugnen sagen Es gat dir anders vm dinen kragen warvm tuos tu an loynus nit ein zeichen das ist vnns
bit So kunnen wir glouben han an dich gib Im wider sin gesicht bis tu ander gottes sun wir wellent anders darzuo tun
Der saluator antwort vnd spricht Ir mogent mich darzuo nit gzwinen das ich iecz all ding vol bringen bis das ich tun mit
wissem rat das mir min vater enpholen hat Ir werdent geleben hie vff erden das noch vil zeichen geschehen werd{2} Die
ich yetz nit weissem kund loynus wirt noch wil gesunt Nu gat der saluator mit sinen Iungern an ir stat vnd die Iuden des
glich leit sich lasarus zebet Als ein krancker vnd facht martha An vnd spricht zuo marien magdalenen Schwester vnser
bruoder der ist kranck des han ich mengen herten gedanck vnd ducht mich woltest volgen du wir schicken nach vnserm
stunde Thu Ich mein wen der die sach vernem das er Im bald ze hilff kem har vm so sun dich lenger nit schick nach Im
das ist min bitt Maria magdalena stat vff vnd Spricht zuo Iesepe Irem knecht gan hin min lieber foseppe Saf Ihesum min
bruoder sie we heiss in kumen Ir kurtzer stund das lasarus wider werd gesunt Nu gat Iosepus hin vnd In dem lit lasarus
als ob er tod sy vnd binden In die schwostern In vnd treit man In ze grab vnd facht martha an ze klagen vnd Spricht O

we ich wunder armes wib von leid so schwachet mir der lib horent zuo Ir frowen vnd man wie ich so grossen kumern han der tod hat mir genomen hin lasarum den liebsten bruoder min das gan ich hie In grossem we o liebster bruoder lasare maria liebe schwester min lass dir sin Sell enpfollen sin Nu facht maria magdalena am wider keren ouch an ze klagen vnd Spricht O schwoster min was sol ich sagen Ich kan mich doch nit herter klagen min liebster bruder der ist tod des lid ich bitterlicher not ich weiß were Ihesus hie gewesen lasarus werde wol genesen o Ihesus lieber here min wie mags tu so lang von vns sin o brueder das du mir bist gestorben das bin ich kranck vnd trurig word{2} In dissem gat Iosepus zuo dem saluator vnd spricht Her nim miner rede war Ich bin von bethania geschickt har dir ze sagen an argen list das lasarus din guter frund kranck ist vnd das du kumist hie ze stund damit er wider werd gesunt Antwort der saluator vnd spricht die kranckheit ist ni zuo dem tod dadurch so wirt geeret got vnd glousitiert als ich dir sag lasarus noch wol leben mag gang hin vnd sprich ich hab vernomen vnd well an gends zuo Innen komen Nu gat Iosepus heim vnd spricht zuo den schwestern lausarn Ir aller liebster frowen min Ich by Ihesu dem propheten gesin der kumpt als ir des hand begert vinn Im sind ir der bit gewert Darvff antwort maria magdalena vnd spricht Er hat die sach ze spat vernomen wer er vor dryen tagen komen die wil min bruoder wz gesunt was hilfft es das er ietzen kunt doch so ist es nu geschechen Ihesum wil ich vast gern sehen Darvff antwort vnd facht der saluator an vnd spricht zuo sinen iunger wyr wellent In Iudeam gan vnd das nit vnderwegen lan Vff das antwort philippus dem saluator vnd spricht Raby nim miner rede war wil tu aber wandlen dar der Juden suchend dich nu vill dich ze versteinigen was ir wil Darvff antwort der saluator vnd Spricht zuo den Iungern Sind nit zwolff stunden In dem tag darnach sich nieman verletzen mag welcher gat by sinen schein der mag doch ettwas sicher sin wa aber einer nachtz will gan der wirt geletzt ouch darvon lasarus vnser frund der schlafft wir wellend gan Im geben krafft darmit er von dem schlaff erwacht desselben han ich mich bedacht Vff dz antwort Iohannes vnd spricht zum saluator Vff das antwort Iohannes vnd spricht zum saluator Er ist salig schlafft er her den sol er geben gott die er Antwort der saluator vnd spricht Maria vnd martha lident nott wann lasarus der ist warlych tod vnd frow mich dz es ist geschechen darvmb das ir mogend sechen das mine zeichen gottlich sind wolluff mit mir lieben kind thomas antwort dem saluator vnd spricht Her so gand wir mit Im sterben darvmb dz wir ouch salich werd{2} Nu gat der saluator gegen martha vnd maria vnd gand pharisen ouch hinnach vnd vff halbenn weg stat er sill vnd facht maria magdalena an vnd spricht zuo mratha Martha lieber schwoster min du solt vnser botte sin wann ich hann gesehen dz Ihs{10} kumpt gang Im engegen diser stund vnd sag Im sines frundes tod clag Im ouch vnser grosse nott Nu stat martha vff vnd gat gegen dem saluator vnd spricht here werist du hie gewessen So wer min bruoder wol genessen wan der ist In der warheit tod des lident wir armen schwostern not Ich weiß aber begers tu sin von gott das er von tod vff erstatt Antwort der saluator marthe vnd spricht martha du solt din wemen lan din bruoder wirt wider vff ersand Martha antwort dem saluator Her das ttuot er am Iungsten tag So sich nieman verbergen mag Aber Antwort der saluator marthe Ich bin die vrstende vnd das leben wer In mich geloubt dem wirt gegeben dz leben ist er gewessen todt das er stibr nit ewenklicher nott das sag ich dir an allen haß liebe martha gloubst du das Martha antwort dem saluator vnd spricht O heer ich gloub woll dz du bist gottes sun vnnd Ihesus crist komen von gottes schoß vnd zelt hie ze richten disse welt Der saluator antwort marthe vnd Spricht wa hes tu maria din schwoster gelan das ich sy nit sich by dir stann Martha kert sich schnell vnen gegen ir schwester winckt ir mit der hand vnd spricht Schwoster kum vnd gang mit mir der heer ist komenn vnd ruffet dir Nu stat maria magdalena vff vnd gat zuo dem saluator falt vff Ire knuw vnd spricht O Heere werist du hie gesin So lepte noch der bruoder min Darvff antwort der saluator marie vnd spricht Maria lauß vonn dinen klagen wo hand ir lazarus hin vergraben Antwort magdalena dem saluator Heerre kum mit vns vnd luog mit grosser clag man In vergruob Yetz tuot der saluator glich als ob er weine vnd wust die augen Vff das facht ein Iud an der heist naason vnd spricht Ir heren sehen an dissen man wye het er lasarum so lieb gehan Als er das offentlich hie erscheint vnd sinen tod so ernstlich weint Darvff antwort der saluator vnd spricht zuo marthen vnd ir schwoster marienn gand zuo des toten lasarus grab vnd heben mir den stein ab Martha antwort dem saluator O her erschmeckt das ist min clag Er lit yetz an den vierden tag Der saluator antwort marthen vnd spricht Martha han ich dir nit vor geseit Ist das du gloubest an alles leid So wirs tu sehen gottes er has tu vergessen diser ler Martha antwort dem saluator O Lyeber her vergib mir das Es ist geschechen an allen haß Nu gand martha vnd ir schwoster entblotzent dz grab vnd gat der saluator die Iungern vnd ouch die Iuden hin zuo vnd facht der saluator mit vff gehepten hend vnd ougen In himel an vnd spricht Vater ich danck dir vnd loben dich das du hast erhoret mich du horst mich statz das weiß ich wol dasvm bis tu gnadenvol diß red ich hie an alle schand zum zeichen das du mich hast gesant Salomon antwort darvff vnd Spricht zuo den Iuden Ir horen lügen zuo dissen sachen wil er ein toten lebendig machen das wirt ein geschrey In vnserm land die lut den glouben an In hand Der saluator facht an mit luter stim ze ruffen vnd spricht Lasare stand vff vnd gang her fur dir ist vff getann des glabes tur Ab dissen worten hept lasarus das hopt vff vnd spricht sitzende noch gebundenn du bist der In der trinitatt richsnet vnd ewendlich stat In gittes spiegel sitzest du darvm ich dich an betten nu heere du solt mit mir gan heim so wurd ich sUnder wan heyles vnd aller froden vol wan ich dir billich dancken sol das du mir wider gift min leben Ich will nach dinem willen streben Der saluator ret darvff zuo sinen Iungern vnd spricht Lieben Iunerger entletgend Inn So mag er frolich gan dahin Joseph von armathia facht an vnd spricht zuom saluator Ihesus du bist gottes kind von dir nu hie bekeret sind vil der frowen vnd ouch man die du sichst hie by dir stant Erbarm dich vber mich alle zit Sid so vil gnaden an dir lit So das alles zergat so stat der saluator still des glich die Iuden vnd facht der saluator an vnd spricht Ich bin das liechte diser welt welcher sin fuoßtritt nach mir stelt der wandelt In der finsterniß nit Sunder hat er zuo zuo aller zit das liecht des lebens das ist war wann ich

bin darvmb komen har dennen nims vatterich ze geben die Inn minen willen lebenn Naason antwurt dem saluator vnd Spricht Du gift hie selb zu gnuß dir vnd seist nit war das wissen wir wan welher sich zuo zugen but vff des kuntschafft richt man nurt Saluator antwurt vnd spricht Vnd ob ich vonn mir selber sag kuntschafft das selb ich beweren mag wann ich weiß wannen ich komen bin vnd weiß ouch wo ich komen hin so wissent Ir nit Ir toerechten man wannen ich kom oder war ich gan vnd ob ich richten alle geschlecht So ist min gericht vnd vrteil recht Sid ich doch nit bin hie allein Min vater vnd ich sInd gantz gemein In vwer gesatz ist geschriben clar das zwager menschen zu gnuß sy war Ich gib zu gnuß selb vonn mir das wol min vater nach miner begir Naason antwurt aber vnd spricht wo ist din vater von dem du seist wir wissen das du selber weist das du kein zeichen hie magst tuon wan du bist Ioseps des holtzschmids suon Saluator der antwurt vnd spricht wen ich recht erkantend mich So wustend ir min vater sicherlich die wil r vns nit kennen sind So mussent Ir sin am glauben blind Nu gand die Iuden In tempel vnd facht Cayphas an vnnd spricht Jr heren das ist ein listiger man der vil argwerens kann Sin stim tonnet als ein harpff er ist vns allen hie ze scharpfft wuss yeman wider Inn vert ze bringen der tu das wan er blibt nit da hinden In dissem kumpt der saluator mit den Iungern In tempel vnd facht Iechoinas an vnd spricht wir Iuden wussent alle wol das du bist aller sunden vol wie wol wir all sind hie din spott So redis tu doch du siest gott vnd seist von alten dingen vnd sachen Ich sag dir es wirt sich anders machen du wil vil nuwer sund erdencken kurtvmb wir wend dir dz nit schenck{2} Saluator der antwurt vnd spricht welher vnder uch hie lieben sund Straffet mich von miner sund Ist such das ich die warheit sag was globent ir nit an alle clag welher geboren ist von gott der hort sin wort vnd sin gebot Ir sind aber nit vo ngot geboren an uch sind mine werck verlorn Isyas antwurt darvff vnd spricht zum saluator Redent wir nit wol zuo aller frist das du ein samari tanus bist vnd heisst ein bossen tuffel bi dir das horend an dinen Worten wir saluator der antwurt vnd spricht Jch han kein tuffel dz weis ich woll min himelschen vater ich eren sol vnd eren den als ich han gelert Ir hand mich aber hie entert Ich suchen nit min glory vnd er Es ist ein richter der suoch vnd heer furwar furwar ich sagen kan selig sind die frowen vnd man die Inn mine wort glaubent vnd mich sy sterbent niemer ewencklich Cayphas antwurt fraeuenlich vnd spricht Nu horen wir dz du ein tuffel hast wan du dich selb zum lugner machst Abraham ist tod vnd die propheten vnd du seist hie von Ewnigen noten das einer sins lebens nit wer beroubt der an dine wort hie glaubt bis tu grosser den abraham was der so In grossen eren saß vnd all propheten die sind tod Du bringst dich selb In grosse not was meinst du vsz dir selb ze machen mit dinen fullen listen vnd sachen Darvff antwurt der saluator vnd spricht Wenn ich mir selber er enbut So ist min er vnd glorin nit min vatter ist der mich hie eret vnd sich nyemer von mir keret Ir dan den selben doch nie erkent der von uch wirt gott genent Ich weiß Inn aber vnd kenn In wol des selben ich mich frowen sol vnd wen ich ret dz ich In nit kant So wurd ich uch glich en lugner genant Abraham furt lang ein frolich sag das er mocht sehen minen tag Er hatt In gesehen vnd ist erfrowt wie wol sin tag gar zerstrowt Salomon antwurt vff das vnd spricht zuo dem saluatoer wie kans tu triben so grossen gewalt du bist doch noch nit funffzig Iar alt vnd sprichst du habest abraham gesehen wie darffs tu so offen luginen iechen Saluator antwurt vff du vnd spricht Ich sag uch hie on argen list Ee das abraham gewessen ist da bin ich ye gewessen by minen vater In sinem zassen Salomon antwurt vff dz vnd sPricht Bis tu dan gewessen In ewikeit So gib vnns hie ein vnderscheit Sit das du meinst du sigest got Sagfag vnns hie on allen spot ob man dem keisser tribut soll geben oder wie wir darIn sollen leben damit vnns iuden nit unsselingen du wilt doch wissen alle ding Darvff anwurt der saluator vnd spricht Nu merckent hie zuo dirre frist gand dem keiser das keissers ist vnd geben got das got zuo gehort damit so werdent ir nit betort Vff das antwurt Cayphas zornlich vnd spricht werffend in den zuofferer all Ir Iuden vnd heiden mit richen schall Er kan vns doch alhie nit sagen darvmb ich In han wellen fragen Er verbut dem keisser den zins ze geben das muß In kosten sin Iunges lebenn Nu erwuschent die Iuden all stem vnd wend den saluator werffen aber er gat vo Inen vngeletzt vnd facht Salomon an vnd spricht Ir priester vnd schriber blibent hie Ratten an vnd lügen wie Ir dissem zuoffeere wellen tun Er git sich vss fur gottes sun vnd erkickt die totten vnd hilfft den blind{2} Sin glichen kan man doch nit find{2} Er schlicht vns nach an alle ort vnd gitt vnns vil der stoltzen wort darvmb so lügen eben zuo wie man dissen sachen tu Vff das antwurt ein Iud heist zacharias vnd spricht Rattend bald zuo dissen sachen der lugner wil vil vnglucks machen sond wir In by dem leben lan So wil yeder man glauben an in han vnd koment vollicht die romen ze hand ze nemen vnd volck vnd land Nu facht Cayphas an vnd gibt ein rat vnd spricht Nu merckent ir Iuden den recht{3} grund vnd volgend mir vff disse stund wir werent sunst all sand verdorben Es ist vil weger ein mensch gestorben wann das dz volck al solt verderben vff das sond Ir ze ratte werden Vff das rattet Iechomas vnd spricht Was können wir ratten zuo dissen ding{2} In kan doch vnnser keiner finden Er kumpt nit vff den oster tag das ist In mir ein grosse klag doch Iosaphat gebut In har ze bringen So wend wir In vmb leben bringen Iosaphat stat vff vnd gat her fur vnd spricht Welher Ihm{10}{10} weist ze finden der lass Inn vmb kein guot da hinden Er kumpt sin ander vmb ein buoß nach vnserm gesatz er sterben muss Nu gand die Iuden vssz dem tempel vnd facht martha an vnd spricht zuo lasarus Lasare du solt nit vnderwegen lan Ihesus hat dir vast guttlich getan Es mag vns allen nit geschaden du solt In vber das nachtmal laden So wen wir beide richten tisch wir hand guot brot vnd braten visch Nu rustet martha den tisch vnd gat lasarus zuo dem saluator vnd ladet Inn vnd spricht heer wir hand dir ein mall bereit das sol tu nemen an alles leid von mir vnd ouch den schwostern min Sol tu darvber geladen sin Saluator der antwurt lasaro vnd spricht lasare ich versag dir nit Ich will dich gewerent diner bit wolluff ir Iunger wir wellen gan minem guten frunden zu wille-stan Nu stat der saluator vff vnd gat vnd lasarus zuo dem mal vnd so sy ge sitzend dienet lasarus vnnd martha ze tisch vnd kumpt maria magdalena mit Ir buchsen vnd schut dem saluator darvss vff sin houpt vnd buckt sich zuo den fussen Im die ouch ze salben vnd sitzt den hinder Im nider den so facht Iudas an vnd spricht Warfur ist

dis verlust vnd salben man teilte das wol allenthalben Armen luttten man es geben sol druy hundert pfening gult es woll Saluator der antwurt vnd spricht Schwigent still vnd loud das walten zuo miner begrtept sol sy es behalten Ir han all weg arme man mich mogent ir aber nit states han Martha sat fur den saluator vnd spricht Heere bis tu nit sorgenvol das min schwoster diene wol vnd mich allein diennen lat das selb ir vbel ane stat Spricht das sy ouch helffe mir damit nach eren geschech dir Saluator antwurt martha vnd spricht Martha martha du hast vil sorgen vil dingen sind dir noch verborgen du bist betrupt mit mengerlen sach liebe martha hab din gemach magdalena wirt Ir sunden heil Sy het erwelt den besten teil der niemer wirt von ir getragen dz kan ich dir In der warheit sagen Martha antwurt aber dem saluator Her so lass din zurnen sin das ist zuo dir die bitte min du hest mir doch geantwurt wol maria dir billich volgen sol Nu stat der saluator mit sinen lungern vff vnd gat an sin stat vnd facht an vnd spricht zuo petro vnd Iohanny petre vnd Iohannes gand zur frist In das castell so gegen uch ist da ginfent Ir ein essel gebunden den bringen mir ze dissenn stunden vnd ob des ieman neme war der dz ze weren wer komen dar So sprechent der her muß die han denn lat er sy von dannen gan petrus vnd Iohannes ziehend dahin zuo dem essel vnd gat Iohannes hin zuo den ab ze binden Indem kompt osias louffen vnd spricht zornlich Ir lollharten laud den essel bliben man wirt uch anders all vertriben Es ist ein gemeiner essel der stat laud Inn hie ich clag s dem ratt petrus Antwurt vnd spricht zuo osyas Lauß Inn gan zuo disser frist wann der her sin notturffig ist vnd nim darby vnser eben war wir wend Inn wider antwurten dar daran sol tu kein zwiffel han trib nacher Iohannes wir wellen gan Nu nimpt petrus den esel vnd furt In vnd Iohannes tribt In bis zuo dem saluator den so facht Iohannes an vnd spricht Her es was vns sicher vbel gangen Ein Iud der wolt vnns han gefangen darvm das wir den esel nemen da wir aber seitten wannen wir kemen lies er den gan zuo disen Zitten meister wil tu darvff ritten So sitz du vff den mantel min das du dest sicher mogist sin Hiemit spreit Iohannes den mantel vff den esel vnd zuo disem stuck sollend komen martha lasarus maria magdalena feroince rachel nicodemus soseph von armatia maria Iacobi maria salome sama

F078-001r,33 ritana chananea vnd zuo beiden Sitten stand mit palmosten In Iren henden vnd Ioseph vnd nicodemus mit Irem kleidern Den sitz der saluator vff den essel vnd ritt gegen Innen so werffen sy die palmen vnd kleider in weg vnd fachen die schuoller an singen dis nach geschriben gesang Hit est qui venturus est in saluten populi hit est salus nostra et redemptio Israhel Vnd nach dissem gesang so facht nicodemus an vnd spricht mit vff gehepten hendenn O sanna dauid gottes sun dem sol man billich ere tun Der das volck hie bringt zesamen vnd komen ist in des heren namen Die Iuden schlichen ouch hinzuo ze luogen vnd so sy dis horen vnd Sehend facht achas an zuo den Iuden ze reden vnd spricht Wolluff ir schriber vnd ir pfaffen Ir sehent das wie hiemit schafften loud vnß rachen dise sach das volck loufft Im doch alles nach Vff dz gat salathiel hinzuo vnd zuckt philippen by sinen mantel hervmb vnd spricht Horr wir wellent Ihesum sehen vnd sine zeichen die hie geschechen wie mag er so vil wonders tun Er ist doch Ioseps des zimermans sun vnd nimpt sich an er sie gott dasmit ze zerbrechen vnser gebot Nu kert sich philipus von Im vnd spricht zuo andrea Andrea wir wend das Ihesum sagen die lut nach Im belangen haben Andreas kert sich zuo dem saluator vnd spricht Rabi wie wol tu disen tun sy sprechen du sollist ein zeichen tun vnd gesechen dich gern an argen list Sag Innen wz din meinung ist Saluator der kert sich gegenn den Iuden vnd spricht Min tag die werden bald volfurt daran ich wird clarificiert furwar so sond Ir mercken mich Ist sach das In das ertrich Ein kornli falt vnd nit verdirbt vast edle frucht den darvss wirt Min tag die werd bald volfurt daran ich wird glorificiert furwar so sond ir mercken mich Ist sach das In dz ertrich Ein kornli valt vnd nit verdirbt vast edle frucht dan darvss wirt by min wirt ouch vast vil fucht der sullikeit vnd edle frucht vnd welher lieb hat hie sin sell der bringen In angstlich not vnd quel welher aber die hassen tuot kumpt Im zuo ewiger frod vnd gut wer In min dienste welle sin der sol hie volgen der lere min wa ich dan bin da wirt er wessen Wer ouch vor we vnd not wol gnasen Der nem von mir hie disse ler min himelscher vatter erbut Im er von diß hin nend min eben war min sell die ist betrupt gar was sol ich sprechen zuo disser stund vatter tuo mir din hiffe kund Aber ich bin darvmb har gesangt Als dir das alles ist erkan Eerclar hie vater den namen din das ist zuo dir die bitte min Vff disse red sol ein buchsen clapff als ob ein ein tonner ware vß dem himel gan vff das selb fachen die engel an ze singen dis nach geschriben gesang z fili tu semper meain es et onna mea tua sunt Vnd vff das gesang facht der ander engel an vnd spricht Ich han erklart vnd wird aber erklaren Sun als du des tuost begerenn Vff dis alles antwurt naason vnd spricht Ich wird bald hie ze stan verdrossen der tonner hat von himel geschossen Darvff antwurt achas vnd spricht zuo naason has tu die sach fur ein gspott der engel hat mit Im geret Vff das antwurt aber der saluator den Iuden vnd spricht Ich muoß uch noch ein lere geben disse stim kumpt nit vergeaben oder durch mine wort vnd ler Sunder durch mins vaters er Erst nu ist komen der welt gericht der furst der welt wirt gar vernicht wird ich erhocht von diser erden Alle ding dan zuo mir gezogen werd Vff das red antwurt Salathiel dem saluator vnd spricht Wie kans tu reden vff diser erden das gottes sun sol erhocht werden wir hand doch In vnseerglatz geschriben das cristus hie sol ewig bliben du solt wider vnser gesatzte tun Sag vnns wer ist gottes sun Darvff antwurt der saluator vnd spricht gas vil des liechtz In uch gebrist wandlent die wil dz liecht hie ist dz uch die funsternuß nit verzucken muß man die warhait In uch trucken welher In der vinsternuß gat der selb in einen zwiffel stat gloubend by des liechters schin Er mogent In kinder des liechtes sin Nu griffent die Iuden nach den steinen In ze werffen er verbirgt Sich aber vnd gat an sin stat vnd nach vil gemurmles der Iuden spricht der saluator zuo sinen lungen merckent Ir iunger wz ich sag Es nachtet der hoch zittlich tag Die ostern als man gewis sagt vndt Nu wirt verratten des menschen kind petrus antwurt dem saluator Heer wer wirt verratten des menschen kind Sag vns die wil wir hie sint Saluator antwurt vnd spricht Ir werden selber Innen das welher an mich wirfft den hass darvmb so darff es nit vil fragen Ich wil s uch yetz nit alles sagen Salomon stat vff vnd gat her fur vnd spricht Ir Iuden gand In tempel bald

Rich vnd arm lung vnd alt Ein nuwer prophet wil hie vff stan darvmb so dorffent wir sorg han das er vns nit das volck verker mit siner falschen lossen ler Nu gand die Iuden aber In tempel vnd facht cayphas an vnd spricht Wie wend wir den winckel bredorer tun Er spricht er sye gottes sun vnd wil das volck hie als verkeren mit sinen falschen bredigen vnd leren Zacharias antwurt darvff vnd spricht Ich weiß nit wie Im ze tunde ist wir dorffen erdencken eine list darmit es vns wird In die hend darvmb so loud vns geben end dan sollen wir In hie laussen gan So mussent wir all in schanden stan Annas der bischoff antwurt vnd spricht Ir heren vernemend hie min sag Es ist ein hochtittlicher tag die sach wend wir hut ruowen lan Ein gemurmele wird Im volck vf stan Er wirt vns wol vff andry zit So es vollicher bas begit Salomon antwurt aber vnd spricht Jch lass dich sach hut nit geschechen vnd wolte Ihm{10} doch gern sehen den helffent totten nach vnser gesatz sid das er tribt so oeden geschwatz vnd vnser volck verkeren tuot das krenckt mir min sunne vnd muot funden wir ein der Inn verriet das wer mir zuo minen teil vast lieb In dissem so die Iuden also ze rat werden so gat Iudas vmbher schweiff vnd gat In tempel den winckt im vryas vnd spricht zuo Im Kum zuo vns lieber gesell har Inn du magst wel hinacht by vns sin wir sitzent hie in grossen sachen die kondis tu wol besser machen din meister tut vns all verschetzen vnd vnser gesatz gar verletzen wir wissent nit wie er vns werd{2} sol du mochtist vns aber helffen wol damit er keme vmb sin leben gold vnd gelt wend wir dir geben vnd darzuo schencken ein guotte gab daran du keinen zwiffel hab Iudas antwurt Inen vnd spricht Was wend ir mir gen Ir fursten vnd her ich tun uch hie ein eyd schweren ze verratten Ihm{10} den meister min das er muß uwer gefangner sin Vryas hat vil geltz vor Im ligen das zelt er vor Iudas vnd ant

F078-001r,34 wurt dem Iudas vnd spricht Dryssig pfennig wend wir dir geben brings tu Ihesum vmb sin leben vnd gibst Inn vns In vnser hend Ein gut schencke wir da ouch gend Se hin vnd nim din baren sold drysig pfenning an guottem gold Hiemit buttet vryas Iudas das gelt vnd so er das enfacht facht er an vnd spricht Nu schwigent still vnd laud mich machen Ich wil bestelen disse sachen damit ich verratt den meister min vnd vast bald wider by uch sin mir wirt darvmb ein guotter sold das ist hubsch gelt ich bin im hold So nu Iudas das gelt enfacht So gat er wider zuo dem saluator vnd den ist es gnuog vff ein tag gespielt vnd gat der propclamator her fur vnd seit denn hinderisten spricht Ihesus ist verkoufft vmb gelt Nu horent zuo hie alle welt Morn so werden Ir furer sehen was wonders an Im ist geschechen vnd wie In die Iuden gemarteret hand des sy kamen In grosse schand darvmb so laud uch nit belangen morn so wirt es an gefangen da es den hut gelassen ist Als ich uch kund zuo disser frist Nach dissen spruch facht die Iuden schuoll an vnd singt vnd In dem gat man vss dem platz In der ordnung bis in die cappel den gat Iederman heim Item morndis so man wieder In den platz kumpt fachend die an singenn dilete etc wie das davor geschriben stat vnd nach dem gesang gat der propclamator her fur vnd spricht Ewiger gott verlich vns krafft mit diner heligen ritterschafft das wir dich teglich mogent eren All vns din gottlichen bot das leren darvmb wir hie gesamlot sind Nu schwigent still ir lieben kind So werdent ir sechen In kurtzer frist wie got von den Iuden gemartert ist darvmb so land uch nit belangen hiemit so ist es an gefange petrus nach dissem sprucht stat vff fur den saluator vnd spricht Heer meister wir hattent schier vergessen wo wil tu das osterlamly essen mit den lieben iungern din das sag vns lieber here min so wellent wir das bereitten wol Als den billich geschechen sol Saluator der antwurt vnd spricht gand vnd nemen eins menschen war der selb wirt komen gegen uch har zu iherusalem vff der gassen Er treit einen grossen kruog mit wasser nement des husses eben ...t da er mit sinem kruog hin gat Sprechent zuo dem hußvater darIn wo mag das diner forum sin da der meister sich hat vermessen das osterlemby mit vns ze essen Iohannes Iudas vnnd petre gand mit einander an alles we Nu stand die dry Iohannes petruus vnd Iudas vff vnd gand mit ein

F078-001r,35 Ander gegen dem tempel da bekumpt Innen einer mit ein kruog vnd gat zuom brunnen gan wasser nemen den stand sy still vnd spricht Iohannes Jr bruder dz ist wol vnser fuog das ist der mensch mit dem kruog von dem vns vnser meister seit laud vns warten an alles leit So sehent wir In welhes huß er gat das wir Im volgen hie getratt In dissem kumpt der mit dem kruog vnd gat fur die dry den gand sy Im hubschlich nach bis In den sal da er das wasser nider stelt vnd sy hin In koment facht Iudas an vnd spricht zuo dem hußvater Wa findent wir ein einigen sal da Ihesus nam das nachtmall mit den lieben Iungern sin zog vns das hußvater min Der hußvatter zogt Innen mit ein finger den tisch vnd spricht bebeiten Im nach sinem gefallen Es ist fur In vnd gehort uch allen Ir mogent da wol ruwig sin mich frowend wol die geste min Sicher mogend Ir da wol belieben das uch nieman tuot vertriben vnd wil ich rusten alle sachen trinckgeschier vnd ouch geschbach{2} vnd waz dem meister gehort zuo damit ich Im gnuog tuo Nu gat der hußvatter vnd git den Iungern tischlachen ein kelch vnd an das den legend sy den tisch dar vnd sitzt Iudas allem dar

F078-001v,01 zuo sin gelt ze zellen vnd gat petrus zuo dem saluator vnd spricht Raby das nachtmal ist bereit kum nim das an alles leit Ich kan dir sagen zuo dissen stunden das wir all sachen haben funden wie du vns gesaget hast An keinen dingen vns gebrast Ich sag dir ouch an argen list das der hußvater vast willig ist Nu stat der saluator vff mit denn Iungern vnd gat zuo tisch vnd den loufft Iudas vnd bringt ein brates lembly oder gitzi vnd stelt das fur In das gesegnet der saluator vnd sitzt Iudas ze vnderst an tisch Iohan

F078-001v,02 nes vf der rechten Suten des saluators vnd petrus vff der lingken vnd den nimpt der saluator das brot gesegnet das bricht vnd buttet ieglichen ein stuck vnd spricht salvatter Vatter vnsser im himel droben din namen sol die gantz welt loben gehelget werd der namn dein zuo kom vns dein reich also fein Dein wil geschech auff erden gleich leibs narung vns auch teglich reich Vergib vnß vnser schuld als wir ... vnßern auch vergeben shir. fur vnß nit in versuochung groß Erleß vnß vor dein ibel bloß Aemen Mit grosser begird han y ich begert dis oster lamb ze essen des bin ich gwert Ich sag uch merckent eben wie das sollich s nit me wirt ge essen hie bis das es wirt erfullt durch mich by gott in mines

vater rich darvmb so teilent vnder uch das wan ich sag uch an allen haß das ich nit trinck von dissem win bis das ich wider by uch wurd sin das ist min lib der wirt gegeben fur uch hie vmb das ewig leben das sond ir in miner gedechtnuß tun vnd statz gedenccken an gottes sun hie nimpt er den kelch vnd geseß

F078-001v,03 net den vnd ret fur sich vnnd buttet Innen den ouch diß ist der kelch der miwen ee der fur alle welt mit grossem we vsz gossen wird vmb ablas der sund diß sond Ir mercken lieben frund So geschicht dem menschen heil zuo guot min sel ist betrubt In irem muot wann nement war zuo diser frist des verretters hand hie by mir ist Vff disse red sehend die Iunger ein

F078-001v,04 ander an vnd stat der saluator von dem tisch vff vnd blibent die Iunger Sitzen vnd nimpt der saluator ein wiss tuoch vnd gurt sich darmit vnd nimpt ein becky vnd tuot wasser vß einen nuwen zuber darInn vnd ein wisch grunes grass dis sol der hußvatter alles zuo rusten vnd den gat der saluator vnd kniwt nider den Iungern Ire fuß ze weschen doch zum ersten fur petrum vnd griffit petro nach dem rechtem fuoß dar aber zuckt der petrus vnd spricht Rby weschest du mir mine fuß darvor mich got behutten muß Darvff antwurt der saluator also kniwend vnd spricht was ich yetz tun dz weis tu nit wuß es aber Inn kunfftigen zit Vff das antwurt petrus dem saluator hinder sich zehan vnd spricht Min fuß weschest du mir nit ewigklich das sol tu her nit zurnen an mich Darvff antwurt der saluator vnd spricht wesch ich dan nit die fuisse dir petre so habes tu kein teil mit mir Vff dz antwurt petrus dem saluator vnd spricht So wesch mir nit die fusse allein sunder das haupt vnd hend gmein Darvff antwurt der saluator petro vnd spricht vnd wesch Im da

F078-001v,05 mit die fuß vnd trucknet Im die mit dem vnd kust die vnd spricht Welher hie gewaschen ist der darff nit mer zuo diser frist wan dz er wesch die fuß allein Sust ist er allenthalben rein Nu wescht er allen andern Iungern die fuß wie petro vnd Judas zuo letzt vnd spricht damit der saluator Jetz sin Ir rein aber nit all wir wellent wider dzuo dem mal Nu sitzt der saluator mit den Iungern wie vor ze tisch vnd leit Im Iohannes das haupt In sin schoss als ob er schlaffe den facht an der saluator vnd spricht wissent Ir wz ich uch hab getan so sond Ir me darby verstan Ir sprechent mir beyde meiste vnd her vnd redent wol wan ich bin der hant ich uwer fuss gewaschen hie Als meister vnd her so luogen wie Ir einander ouch sollent tun wend Ir In fruden leben vnd sun wann ich uch han exempel geben wie ich han getan in minen leben das Ir ouch trugent des gelich So mogent Ir besitzen dz himelrich fur war fur war so merckent mer kein knecht sige grosser der her vnd kein apostel werd grosser genant dann der so Inn hat vss gesant Ir werdent salig halten ir das das sag ich uch an allen hass nit vonn uch allen ich sagen kan Ich weiß welle ich erwellet hant die warheit ich uch hie kun tuo lieben Iunger luogent zuo Einer vnder uch wirt mich verraten der mit mir isett dissen bratten Vff dise red weckt petrus Iohannes mit der hand vnd spricht Iohannes sag vns hie an leit wer ist der von dem er seit der Inn hie verraten sol vnser keiner ist z das weiß ich wol Iohannes fraget den saluator vnd spricht Rby lieber meister vnd her Sag vns Iungern wer ist der der ein verrater vnder vns sol sin wir sind erschrocken here min Saluator der antwurt darvff vnd spricht Nament war an argen list welhen ich bit zuo disser frist dz In gedunckt brot vss miner hand der wirt began an mir die schand Vff dz nimpt der saluator ein schniten brot vnd dunckt die In den napff vnd buttet die Iude vnd spricht Nim das brot vss miner hend vnd gib bald dinen sachen end Judas entpficht das brot mit Reuerentz vnd spricht Raby du solt mir getruwen wol bin ich der dich verraten sol Ietz sol Judas ein swarten vogel by den fussen In dz mull nemen das es flosse vnd den facht der saluator an vnd spricht Ja du hest die warheit geseit des menschen sun wirt gan In leit we aber dem menschen durch den es schicht Er wirt gevteilt mit sweren gricht Nu were besser an allen zorn Er wer vff ertrich nie geboren Vff dise red stat Judas vff vnd gat zuo Cayphas vnd so In cayphas gesicht spricht er zuo Im Judas vns Iuden wil belangenn du hest din gelthin bar empfangen Luog vnd gang dinen sachen nach Es wer dir anderß ein iemer schmach Soltest du vns iuden fallen vnd die sach vor vns verhallen Judas antwurt davff vnd spricht zuo Caypha Machent wenig geschreys darvss Er ysset ze nacht In einem huss wenn er daselb vff tuot stan So wirt er In den garten gan da will inn in vwer hende geben wend ir denn gern so laud In leben Vff dz facht der saluator an vnd spricht zuo den Iungern Nu ist er kert an allen spott des menschen sun vnd durch In got Ir kind vernement mine stin Ein wenig ich noch by uch bin Ir werdent mich suochen dar ich gan vnd mogent doch nit dahin kan Ein nuw gebot tun ich uch geben das Ir In rechter liebe leben damit so wirt den menschen schein das Ir min lieben Iungern sind Simon symon nim eben war wann sathanus mit siner schar hat uch versuoht vnd sich gefrowt das er uch als kernen zestrowt Ich hant aber statz fur dich gebetten das du vonn glouben nit tattit treten ob du dich aber tuost bekeren zuo ettlichen ziten so tol tu leren vnd stercken die lieben bruder din daran volges tu der lere min Petrus antwurt dem saluator vnd spricht Her du solt kein zwiffel han Ich wil In tod vnd kercker mit dir gan Der saluator redt aber mit den Iungern allen vnd spricht Lieben Iunger ucj sy bekant das ich uch all han vss gesant ane taschen sack vnd Schuoch hat uch nit etwas bresten darzuo Darvff antwurte die Iunger all mit luter stim vnd sprechent nut vnd Iohannes facht an vnd spricht Heer du solt die warheit verstan wir hant all nie kein bresten gehan Saluator der antwurt an vnd spricht Aber In so sand ir mercken das vwer keiner vnder wegen lass welher ein sack oder teschen hab der denck das er Ir kon ab welher aber das selb nit hat der verkoufft sin rock hie an der stat vnd koufft ein schwert zuo diser frist wan ich sag uch an argen list das kurtzlich hie vff diser erden an mir muoss erfult werden das von mir geschriben stat damit min ding ein ende hat Hiemit zucht andreas ein schwert harfur zogt das dem saluator des glich petrus ouch vnd spricht andreas Heer nim war hie sind zwey schwert als du das hest von vns begert Saluator antwurt vnd spricht behalten die ir ist gnuog alli ding sond haben fuog verstand dis alles recht vnd wol vwer keiner die ze frauenlich bruchen sol wann ich wird an ein end gan das vwer keiner hin mag kon petrus der antwurt dem saluator vnd spricht So sag vns her war wil tu gan das wir nit mogent nahm kan Saluator antwurt petre vnd spricht Dar ich ietz gan das sag

ich dir da mags tu nit gevolgen mir volg aber hernach das ist min wil wann petre es wurd dir ietz ze vil petrus antwurt dem saluator vnd spricht Mog ich nit volgen dz wunder mich Ich satzte doch min sel fur dich Saluator antwurt darvff petro vnd spricht petre ich sag dir hie ze hand dis nacht so begand ir alle schand an mir an alles hinder sich ziehen Ir werdent all von mir fliehen petrus antwurt dem saluator vnd spricht Heer die warheit tun ich dir bekant werdent sy loch alle geschant so wil ich doch nit ze schanden werd{2} sund here mit dir sterben Saluator antwurt vnd spricht ffur war fur war so sag ich dir petre dz sol tu globen mir du wirst min hinacht dristen verloungen Es sige gegen manen oder frowen Ee dz zwey mall mog kragen der han des sol tu an allen zwiffel stan petrus antwurt dem saluator vnd spricht Heer vnd solt ich mit dir sterben So wil ich nit zum lugner werd{2} Sunder In den kercker vnd tod gan vnd liden mit dir not In das thatheus antwurt vnd spricht Raby wir laud vns nit vertriben wir wend dis gantz nacht by dir bliben mit dir liden lieb vnd leid das sy dir frowlich zuo geseit dir zuo hilff wend wir gestan vnd lib vnd leben by dir lan Vff dz antwurt matheus vnd spricht Heer meister wir wend dich nit verlon das truwen sol tu zuo vnns han wir wend ouch alzit by dir wessen vnd darvmb sterben oder nassen wir hand desselben glumpff vnd er wann du bist vnnsr meister vnd her Iacobus menor antwurt vnd spricht Ich wil hie her by dir bliben vnd grossen schand vermeiden dz ich solte von dir fliehen Ich wil frolich mit dir ziehen vnd forchten darvmb keinen smertzen dz sol tu truwen minen hertzen Antwort Iacobus miner vnd spricht Heer du solt mit truwen wol wann ich nit von dir fliehen sol sunder liden mit dir nott solten mich die Iuden schlagen ze tod So wil ich doch nit von dir flehen vnd frolich an dien marter ziehen Darvff facht der saluator an vnd spricht zuo den Iuden Lieben Iungern dz ist min gebot merckent das an allen spott daz Ir ein ander lieb sollen han vnd In rechter liebe stan wann wa die Rechte liebe ist do wonnet got on argen list Ir weisly ich wird uch nit verlon Sunder so wirt ich von uch gan vnd darnach wider zuo uch komen Als ir dz von mir hand vernomen dann wirt sich frowen uwer hertz vnd hin genomen uwer schmerz Wann ich gan zuo dem vater min dem sol ich statz gehorsam sin darvmb sond ir In froden leben hiemit gib uch minen segen wann ich nit me hie bliben kan stand vff wir wellent hinen gan Hiemit stat der saluator mit den Iungern vff vnd gat vff halben teil gegen dem olberg da stat er stil vnd spricht Ich musz gan betten warten min kument ir dryg vnd gand mit mir petre Johannes vnd iacobe wolann wir wellen furbas gan me Nu gand der saluator vnd die dryg mit Im bitz zuo dem olber da spricht er den zuo Innen Min sell ist betrubt bis In den tod wachent vnd betten das tuot uch not vnd kerent daran uwer n fliß dz ir nit fallen In versuochninß Mit dissem sitzend die dryg Iunger nider vnd tuod als ob sy betten vnd den gat der saluator von Innen vnd kumpt an den olbeg darvff sol ein kelch stan In dissem entschlaff

F078-001v,06 en aber die dryg Iunger vnd so der her an olberg kompt knit er nider vnd falt damit crutzwiss vff dz antlitz eins pater nosters lang den richt er sy vff die bruw mit gehept{2} henden vnd ougen In himel vnd spricht Aba vater mog es sin So nim von mit das liden min doch himelscher vater din wil der werd volbracht In himel vnd vff erd Vff diß falt der saluator wider vff sin antlit also lang wie vor den stat er vff vnd gat zuo den drygen Iungern vnd vindet die schlauffen vnd Spricht zuo Innen Simon schlaffet du in dissen sachen mages tu nit ein stund mit mir wachen wachent hie vnd bettend das ir nit In versuochninß tretten wann der geist ist schnell im gedanck darzuo so ist das fleisch ouch kranck Ab disen Worten erwachen die Iungern vnd erschreckent dar ab vnd tund doch als ob sy wellen betten vnd entschlaffen wie vor vnd gat der saluator zuom anderen mal an olberg vnd tut wie er das erst mal tet vnd den spricht er Himelscher vater ich bitten dich alle ding sind dir doch muglich disen kelch ze nemen von mir doch sol ich sin gehorsam dir vnd statz inn dinen willen leben vater tuo mir din hilffe gebenn Vnd nach dissem stat der saluator

F078-001v,07 tor vff vnd gat zuo den dryen Iungern vnd findent die aber schlaffen vnd spricht Mogent Ir nit vngeschlaffen sin Er stund hie durch den min wachent vnd betten es ist zit die stund mines tods vast noch litt Ab dissen Worten erwachend Aber die Iunger vnd wischent vff als ob sy vast wellen betten den gat der saluator zum dritten mal von Innen an den olberg vnd falt wider vff das antlit crutzwiss eins guoten pater nosters lang den richt er sich zitternde mit vff gehepten henden vnd sol Im der blutag schweiß vss gan vnd forch samlich stun facht er also zunte runde an vnd spricht Als vater wil tu nit miden Sunder das ich hie sol liden So geschehe recht der wille din vnd laß mich dir entpfolhen sin Vff dise bit blipt der saluator also knuwn vnd kumpt der erst engel vff den olberg vnd hat das crutz vnd facht an ze singen das nach geschriben gesang Constans esto fili qua ego te cu{10} sum Vnd wann der engeld dz uss gesingt facht er an vnd spricht Sun bis stet in dinen liden wann ich wil alzit by dir bliben vnd sterckent dich In diner not du muost erlosen mit dinen tod die verlornen durch adam vnd eua val durch dich sy werdent erlosent all darvmb gib dinen willen darIn wann sun es mag nit anders sin Nu falt der saluator vff das antlit vnd blipt also ligen vnd kumpt Iudas In garten vnd die plich schlichen vnd geschwot in woll vnd demnach gat er dan In cayphas huse vnd spricht Welher jr fursten wen ir den man darvmb ich dz gelt entpfangen han so mussent ir nit lenger warten wir finden in yetz In dem garten da er volbringt sin gebett Ir dorffent nit darst lenger rat gend mir zuo ein grosse schar vnd heissent min eben nemen war Ich wil in geben In uwer hend darvmb so gend den sachen end Cayphas antwurt vnd spricht zuo Iosaphat Iosaphat gang hin dz ist min gebot bit pilatum an allen spott das er vns schick sine ritter schar vnd ouch sin paner zuo dise schar Sid er doch sitzt an des keiser stat vnd vber Dz bluot gewalt ze richten hat Iosaphat gat nu zuo pilato vnd spricht zuo Im pilate ich bin zuo dir gesant von den Iuden hie ze hant die bitten dich zuo disser frist sid du des keisers amptanan bist dz du Innen schickest din paner ze hand darzuo dine ritter ane schand die selben mussentz ernstlich han Als du das hernach wirst verstan pilatus antwurt darvff vnd Spricht zuo sinem volck Den Iuden wil ich ze willen werd{2} die wil ich leb vff diser erden vnd Innen schicken lut vnd guott das red ich hie vss fryem muott gand hin vnd sumend uch lenger nit

damit ich er der Iuden bitt nement die panner mit uch dar vnd ziechent mit der Iudischen schar Nu stat pilatus volck vff vnd gand mit der panner zuo den Iuden vnd facht Isarehl an vnd spricht Cayphas pilatus hat vnns gebotten das wir uch gehorsam wessen solten darvmb so sind wir all bereit den Iuden ze diennen dz sy dir geseit Cayphas facht an mit luter stim vnd spricht gand hin Ir Iuden an allen hass mit dissem verrater Iudas lugent vnd bringend de rzoufferer zuo allen schribern vnd priesteren her volgend das uch Iudas heiß der selb den rechten anschlag weist Vff dis gebott stand all Iuden Im harnisch vff vnd ziechen mit Iudas vnd gat Iudas ein guotz vor Innen alllen vnd so er den saluator er

F078-001v,08 sicht am olberg ligen kert er sich vmb vnd trotet den Iuden mit der hand vnd spricht Jch wil uch geben hie ein zeichen das mit uch Ihus nit mag leichen welher ich kuss den griffent ann den selben ich verraten hann vnd vmb drysig pfening geben das Costet in sin lib vnd leben Iudas sol den saluator ettwe dick hinden zuo schlichende geschowen vnd all wegen den Iuden tuten das sy still stand vnd die wil die Iuden versamlet stand vnd Iudas also vmher gat so stat der saluator vff vnd gat zuo sinen lungern vnd spricht wen Ir gern so mogen Ir schlaffen wann ich wil uch nit lenger straffen wolluff es nachtet min stund vnd zill das man mich verratten wil der verratter wirt yetz geben end vnd git mich in der sunder hennd wolluff lieben Hit lequiter petrus ab dissen worten erschreckend die dry Iunger vnd wuschen vff vnd In

F078-001v,09 dem kumpt Iudas vnd falt dem salua

F078-001v,10 tor an halß vnd spricht Raby Lieber herre min von mir sol tu gegrusset sin Saluator der antwurt darvff vnd spricht O frund warzuo bis tu komen das du gold vnd gelt hast genomen vnd verratten des menschen sun mit eimen kuß darfft du dz tuon Ich sag dir hie ann allen zorn dir were besser du werist nie geboren Vnd vff dise red tringent die Iuden bas hinzuo doch gruffen sy deb saluator nit an vnd stand sill den fach der saluator an vnd spricht Jr Iuden welhen suochent Ir das sond Ir frolich sagen mir Vff dise frag fachent Iuden all an mit luter stim ze schreyen Ihesum nazarenum Vnd tratten damit hinder sich vnd fallent nider den facht der saluator aber an vnd spricht Ihesus nazaremus der bin ich das sag ich uch hie sicherlich Hiemit stand die Iuden wider vff vnd facht der saluator aber ann vnd spricht Ir Iuden welhen suchen Ir das sond Ir gantzlich sagen mir Vff das frag fachent aber die Iuden all an mit luter stim ze schreyen Ihesum nazarenum vnd treten da